

Учқун Назаров

ТОШКЕНТ

Гафур Гулом номидаги

Адабиёт ва санъат нашриёти

1988

ТҮЗОНДАГИ ОВ

Ҳаво айний бошлади. Түсатдан шамол кўтарилиди, патлари қайрилган товуқ қўндоғига югурди, дераза қарсиллади, жом қулаб даранглади, сим чарсиллади, чамбаракдан сут тўкилди. Майкачан Самад айвонга чиққанида ҳаммаёқ тўзон, чанг осмонда қофоз учар, онаси дераза тавақаларини ёпар, кўйлаги баданига ёнишган, дурраси тишида эди. Кечаси дим бўлди, чивин чақди, хотинининг кўли теккан биқини терлаб қолипти, Самад четроқ сурилди, уҳ тортиб, аранг кўзи илинди...

Самад қайтиб уйга кирди, кўнгли айнаб, айвонга яна чиқди — чанг бўлса-да, салқипроқ эди, сигарет тутатди.

Ола тўуплон тинди. Ер-бўгот олма, айрилган гиолос шохи, шамол гулхонага улоқтирган шолча қолди, ағанаган бўш шиша ғилдирашдан тўхтади, қаймоги четига ёнишган чамбаракдаги сопол кося тинчий бошлади. Чанг тарқалмагаш, ҳамма нарса хитой қофоз орқали кўрипган-дек хира, исқирт, кимнингдир ҳовлисидан қисир сигирнинг куйиккан маъраши эшитиларди. Айвондаги холодильник сесканиб, жавонин ларзага солди, шингиллай бошлади — симни улашди чоги. Бир оздан кейин майин шамол эса бошлади, ҳафталаб биқиб турган губорни тарқатди, осмон кўк тус олди. «Довул ҳозир қайси жойларни тўс-тўуплон қилаётган экан?..» деб ўйлади Самад. Ўзи шунаقا, неча кунлаб ҳаво димиқиб ётади, барг қилт этмайди, на кундузи, на кечаси ҳаловат бўлмайди, шунида гўё аллақаёқда бекиниб ётган шамол галаён билан ёпирилиб келиб, рутубатни тозалайди-кетади...

— Ишга қачон борасан? — ҳовлида сочилиб ётган кўйлак-чойшабларни йиғиштираётган онаси ўгирилиб сўради.

— Борарман,— деди айвон лабида чўнқайиб ўтирган Самад.— Ювииниб кетай. Нимайди?

Ингиштирган нарсаларни опаси чорпояга ташлади.

— Мозорга кириб ўт,— деди кафтини қоқиб.— Замиранни бошига гул қўйиб келувдим кеча, ағдарилган бўлса, кўза чил-чил бўлиб ётгандир.— Самад индамади: хўп, дегани.— Идиш олиб кет... Жинни шамолли қара,— деди яна онаси, супургини ариқ сувига ботирар экан, иолигандек.— Ҳаммаёқни алгов-далгов қиласди.

— Салқин тушганини айтмайсизми,— деди Самад, сигарета қолдигини улоқтириб.

— Салқин дейсан, пахта нима бўлади, энди гулга киринти?

— Баттар бўлсин,— деди Самад эшитилар-эшитилмас ва ҳоргинлик билан пастга тушди, кранни очиб ювина бошлади.

Самад бир бурда понни қаймоққа булаб еди, пиёладаги чойни бир хўплаб ичди, оғзини артди, онаси тайёрлаб қўйгап сопол хўқачани газетага ўраб кўчага чиқиб кетди. Қабристон узоқ эмас эди, ўша томон бурилди, кираверишдаги тут тагида крандан тинмай сув оқиб турарди, Самад гўрковдан челак сўраб олди, хўқача билан челакка сув тўлдириб, Замираннинг қабри томон кета бошлади.

Замираннинг вафотига бир йилдан ошди. Юраги хаста экан, ўша побуд қиласди, деган гап тарқатишди. Замира ҳеч қачон юрагидан шикоят қиласмиш эди, Самаднинг ота-онаси аввалига ҳайрон бўлишди, аммо врачлар диагнози қатъий — кўникишди.

Замира ўрта мактабни тугатиб институтга кириш учун шаҳарга борганди, акаси Самад ҳам ўша ерда, Педагогика институтини битириш арафасида эди. Замира ҳам ҳужжатларини шу институтга тошириди, имтиҳонлардан муваффақиятли ўтди, ўқий бошлади, акаси институтни тугатиб, районига қайтди, мактабда муаллимлик қила бошлади. Шу кезларда Самаднинг педагогикага онд бир-икки мақолоси область газетасида, яна бир-иккитаси республика

матбуотида эълон қилинди, бошқа мақолаларининг маз муни кенгайиб, кундалик ҳаётнинг бошқа жиҳатларини ҳам ёрита бошлади. Шунда район газетаси Самадни ўз редакциясига таклиф қилди, у мухбир вазифасида ишлай бошлади. Шу орада у уйланди, Муяссар қиз туғиб берди, уйи нурга тўлди-қўйди. Ҳаш-паш дегуича вақт ўтди, Ни гора бир ёшга тўлди, Замира ўқиши тугатиб қайтди, у ҳам Самад иш бошлаган мактабга кирди.

Замира ўқиб юрган кезларида Равшан исмли студент йигит билан иноқлашиб қолди, аҳд-паймон қилишди. Равшан Замирани сўратиб, онасини юборди, ион ушатилди. Шундан кейин Равшан ўз машинасида тез-тез районга қатниайдиган, мактаб атрофида Замира билан кўришиб қайтадиган бўлиб қолди. Район ижроия комитети раисининг ўғли Ҳамдам бир-икки марта Замиранинг йўлини тўсди, гапга солмоқчи бўлди, Замира чап бериб кетди. Кейин совчилар келди, Замиранинг онаси мавхум гаплар билан совчиларни чиқариб юборди, хабарни эрига айтди. Жалол аканинг боши қотиб қолди: унга қолса шу қудачилик дуруст эди, чуники бўлажак қуда катта одам; раҳбар, районнинг жилови ўшанинг кўлида, қолаверса, Жалол аканинг ўзи шу ердан доп териб юрипти, фарзаандлари ҳам шу ерда кун кўришяпти, қуданинг нафи тегиши аниқ. Аммо рад жавобини айтса, оқибати қанақа бўлишини тасаввур қилиш қийин эмас, қуда ҳамманинг пайига етади, «замон зўрники» бўлиб қолган пайтлар... Унинг устига қизининг боши боғлиқ, ион ушатилган, кузда тўй бўлиши керак, улар томони бу ишга қандай қарайди, ахир иснод-ку. Замира нима дейди?

Жалол акага бу аснода бир туртки керак эди, ҳадигини ўғлига айтди.

— Унаштирилган, десин аям,— бир оз ўйга ботиб, гапирди Самад.— Ахир тушунишар, ваъдани бузиб бўлмайди-ку... Ишиайкейин, Замира ҳам... жалжал кўтаради... Равшан билса, қирничоқ бўлади. Бошимиз маломатдан чиқмай қолади.

Жалол ака оғир тин олди, бошини сиқди.

— Шаҳардан келганиларга дарров жавоб бериб юборганимиз чакки бўлди-да... Онанг бижилдоқлик қилди, биринчи келиши билан тузоққа тушибмиз-қўйимиз, салтаранг ҳам қилмабмиз.— Жалол ака икки кун қирилмаган соқолини ишқади, чўнтағидан эзғиланган рўмолча олиб, бурнини қоқди, кафтини артди.— Холбоев билан ўчакишиб бўладими? Қуригади уругимизни, эзиг ташлайди...

— Зўр келса, жойни сотамиз, шаҳарга кўчиб кетамиз, кунимиз ўтмай қолмас...

— Агар улгурсак... — деди Жалол ака тушкуплик билан.— Тўйдан бир ўян топиб, жавобгарликка торттиради. Ана унда кўр, додингни кимга айтардинг?

— Тўйдан нима ўян топиши мумкин?

— Э, ўғлим, усуллари кўп, органлар уларнинг измida,— деди Жалол ака ичидаги қовурилиб.— Боласиям ўлардек қайсармиш. Шунга уйланаман, йўқса уйга ўт қўяман, денти. Синглингни бирор нарса қилиб қўйишданам тоймайди, итвачча. Эшитгандирсан, битта кампир чарчаб, тухум солинган саватини ўшанинг машинасига қўйиб турган экац, келиб саватини йўлга улоқтирибди, бир мотоциклчи тухум шилиғига сийганиб дарахтга бориб урилибди. Кўзинг тушгандир, ҳозир инвалид, врачлар бўйнига чармдан бўйинтуруқ тикиб беришган, тангиб юради, бусиз боши турмас эмиш... Шунаقا, ҳеч ким унга бирон нарса дея олмайди, отасидан қўрқади...

Улар бир қарорга келиша олмади.

Ҳамдам томондан яна совчилар келди, Сожида опа узил-кесил жавоб айтди, совчилар нохуш хайрлашиб, чиқиб кетишли.

Тўйга ярим ой муддат қолганда, Равшанинг машинаси жардан топилди — грузовой машина билан урилибди, деган гап тарқатилди, айб Равшанинг ўзида эмиш. Ҳали қариндошлиқ алоқалари у қадар боғланган бўлмаса-да, Жалол ака хотини ва ўғли билан Равшанинг маросимларига қатнашди, ҳатто Ҳамдамнинг онаси Со-

жида опа ҳузурига келиб таъзия билди. Замира биринки марта яширинча Равшанинг қабрига бориб, кўзи қизариб қайтди, дили лоқайд бўлиб қолди.

Расмият йўлига чамаси бир ой ўтгач, Ҳамдамнинг онаси яна совчи бўлиб келди. Энди унаштирилган кўёв йўқ, дунёдан ўтди, у оила олдидаги юк бўлиб турган ваъда масъулияти ҳам кучини йўқотган, буёғига Замиранинг боши очик, унинг тақдирини йўлаш зарур, ахир институтни битирганига бир йил бўляпти, бунинг ёшидаги қизлар аллақачон иккитадан фарзандлик бўлишган, агар бу гал ҳам йўқ, дейишса, Холбоев оиласи билан яқинлашишдан бош тортгандек бўлиб чиқарди — рози бўлишиди. Қолаверса, бу йўсингдаги тақдир иловаси ҳадиксираб юрган Жалол акага айни муддао эди.

Замира ўжарлик қилиб кўрди, важ сифатида Равшанинг вафотини, орадан ҳеч қанча вақт ўтмаганилигини айтди.

— Ие, қизим, эс-ҳушинг ўзингдами? — деди Соқида опа. — Ҳали никоҳ бўлмаган йигитга аза тутасанми, болам? Илло-билло мунақа гап оғзингдан чиқмасин. Эшитганлар нима дейди?..

Кеч куз тўй бўлди.

Замиранинг дили бўм-бўш, лоқайд эди, у ҳеч нарсани ҳис қилмади — қувонгани ҳам, хафа бўлгани ҳам йўқ, ўзини оқимга қўйиб берди. Анча пайтгача чеҳраси очилмай юрди, аммо ҳадеб хўмрайиб куни ўтказиш ҳам одобдан эмас, баъзан ўзини мажбурлаб бўлса-да, жилмайишга уриниб кўрди, аммо бу зўраки қувончни яна булут қопларди. Шундай пайтларда ота-онасиинг тазиики билан ўзини қўлга олишга киришган Ҳамдамнинг ич-ичидан алами қайнар, бошқоронги бўлишига қарамай Замирага қўрслик қиласар, ўлиб кетган Равшангга рашқ қилиб, хотинига азоб берарди. Аммо ҳомила билан боғлиқ энди илиқлашиб

келаётган турмуш тарзи Ҳамдампинг кайф аралаш газабда айтиб юборган бир сири туфайли барбод бўлди. «Жазманингни ўзимиз ўлдирганимиз! Аварияни ўзимиз қилганимиз!» — деган эрининг гапларини Замира эшитди-ю, вужуди бўшашиб кетди.

Саҳар чоги Холбоев ваниага кириб, келинини сиртмоқда кўрди, ағанаб ётган табуреткани қўйиб, ҳали илиқ жасадни апил-тапил арқондан сугуриб олди, чора ахтара бошлиди. Келини ўзини осиб ўлдирди, деган совуқ хабар тарқалса, сўроқ-тергов бошлапади, Равшанинг ўлимига алоқадор тафсилотлар очилиб кетади, аварияни ўзлиқ ўзи уюштиргани юзага чиқади, вазиятни идора қилиб бўлмайди... Ахир Холбоевнинг ииятлари кам эмас, шу даражага кўтарилишининг ўзига қанчадан-қанча тадбирлар кўллангап, чиқим бўлган. Чиқим-ку, аллақачон бир неча баробар ўзини оқлади, аммо — ноумид шайтон, мана, рајком секретарини областга олишмоқчи, жойига кимни дир тайинланадиган пайтда албатта Холбоевнинг помзоди ҳам қўйилади... Келини тушмагур нодонлик қилиб қўйгани чатоқ бўлди-да! Турган гап, ахволни шу даражага ўғли олиб борган, бўлмаса ҳомиладор жувон ўзини осармиди, азбаройи жон-жонидан ўтган, ҳеч нарса кўзига кўринган эмас, бироқ келини ҳам писемиқроқ, «ичимдан топ» хилидан экан ёки бирор дарди бормикини? Балки руҳий касалдир, уйдагилар сезмай қолишгандир... Руҳий касал!.. Холбоев телефонига отилди, бир оздан кейин район касалхонасининг бош врачи ҳаллослаб кириб келди.

— Руҳий касали борлигини, — деди у ўлини кўргач, — энди исбот эта олмаймиз. Учётда бўлса ҳам бир наф эди. Заключение беришимиз мумкин, албатта, лекин... отонаси экспертиза талаб қилишса, ёлгои очилади, чунки оз бўлсаям, бўйнида арқон изи қолган.

— Келини ўзини осибди, деган шов-шув тарқалса — бу яхшими? — деди Холбоев тоқатсизланиб.— Текширув бошланса-чи? Ўйланг!..

Бош врач имтиёз илинжида эди, жавоб айтишга шошмади.

— Тезроқ ўйланг, кун ёришиб келяпти! — деб ўдагайлади Холбоев ва бош врачининг вақт чўзаётганини англаш, ётиғи билан деди: — Сиз ўйлаётган нарсалар тўгрисида кўнглинигиз тўқ бўлсин.

— Юраги хаста, деган диагноз қўйилса потўғри бўлмас,— деди ниҳоят бош врач.— Бу яширин касал, кўп ҳолларда беморнинг ўзи ҳам билмайди... Ундоқ бўлмаганда ҳам юрак шунаقا нарсаки, тўсатдан эксансиес бериши мумкин. Ёш-қарига қарамайди... Касалхонага олиб бориш керак.

— Қанақа машинада келдингиз?

— «Тез ёрдам»да.

— Машинани ҳовлига олиб киришсии.

— Ҳа, албатта,— деди бош врач ва дарвоза томон кетди.

«Тез ёрдам» машинаси Замирапинг жасадини олиб кетганда, кун ёриша бошлаган, куртаклари бўртиб қолган дараҳтларнинг танаси нам ва қора, баланд шохлари тумаңда аранг кўринар эди.

Холбоев дарвозани қулфлаб, уй ичига югурди.

— Нима бўлди? — оёқ дунуридан уйғониб, сўради Ҳамдамнинг оиласи.— Нима гап?

— Ҳојатга чиқсанам, келининг ванинада ётибди. Ағдариб қарасам, ўлиб бўпти. Дарров докторга телефон қилдим, келишди. Юраги тўхтаб қопти.

— Вой, ўлмасам! — Аёл ҳанг-манг бўлиб қолди.

— Касали борлигини билармидинг?

— Йўқ...

— Яширишибди-да биздан! — Холбоев муштини кафтига урди.— Тур ахир! Бор, уйгот ўғлини!

Аёл ҳушига келиб, апил-тапил кийина бошлади.

Замиранинг жасади касалхонанинг реанимация бўлимига олиб борилгач, тўё керакли тадбирлар қўлланилгандек бўлди, аммо «фурсат бой берилган, керакли натижа бермади», деган тарқатилди, юрак фаолияти тўсатдан тўхтаган диагнози билан иш ёпилди, ўша куннинг ўзидаёқ жасад гўрга қўйилди. Мусибатдан ақли озган Замиранинг уйдагилари қий-чув бўлиб қолишиди, мулоҳаза қилиш, гумонга бориш ҳеч кимнинг хаёлига ҳам келмади...

1982 йилининг баҳори шундай бошланди. Ҳар куни Замиранинг қабрига гул қўйиш одат тусиға кириб қолган, Сожида опа бирон кун бу одатни канда қилмайди, ўзи бора олмаса, Зумрадни, Зумрад ўқишида бўлса, Самадни гўристонга юборади...

Холбоев қабрга келинининг тасвири ўйилган икки қулоч мармартош қўйидирди, атрофини қора чўян панжара билан ўратди, гуллар экдирди, электр сими тортириб, чироқ ўрнаттириди. Хулласи, одамлар кўрса, ҳаваси келадиган бир жойга айлантириди, атрофда бунақа мақбара йўқ, ҳатто гўрковлар навбатма-навбат назорат қилиб туришади. Электр чироги ўчмайди...

Ҳақиқатда мармар супага қўйилган кўза чил-чил синган, гулдаста сочилиб ётарди. Самад чинни парчаларини супуриб бир четга ташлади, саганани ҳўл латта билан артди, гулларни ҳўқачага солиб, мармар супага қўйди, гул кўчатлари тагига сув қуйиб чиқди. Юмушни бажаргач, чўян панжарага суюниб бир дам жим турди, сўнг бўш челакни осилтириб, қабристон дарвозахонасига қайтиди...

Самад киоскадан турли хил марказий газеталар олиб, ишхонаси томон кетди.

Пойдевори бир қарич ҳам келмайдиган икки қават бино қўримсиз, пастки қават деразаларининг баъзиларида занг панжаралар бўлиб, хира ойналарида панжа излари қолган, пардаларини гард босавериб, рангини билиб бўлмас, бинонинг олдидағи жайдари гуллар экилган уч қатор эгат сувсизликдан қақраган, ичида ит гажиган суяқ, бир пой эски калиш, бочқанинг чамбараги ётарди. Бу аросатда қолган бинода районнинг бир неча иккинчи дарақали ташкилотлари, яъни маданият бўлими, кинофикация идораси, аллақандай қурилиш маъмурияти, район маорифи жойлашган бўлиб, Самад ишлайдиган «Коммунизм машъали» газетасининг редакцияси ҳам шу бинода эди. Шунча муассасалар ўртасидаги бу бино сансалорга қолиб, ҳеч қайсиси на ремонтига, на теварак-атрофии ободонлаштиришга қарап эди. Том тешилса, ҳафталаб чакка томар, труба ёрилса, ойлаб сувсиз қолишар, ертўла эса сувга тўлар, ҳожатхонага яқинлашиб бўлмас эди.

— Анчадан бери «Илгор» ҳақида материал берганимиз йўқ,— деди газетанинг бўлим мудири — қирқ ўшларга кирган семиз, сепкилдор одам,— планлаштирганмиз, биринки кунга бориб келсангиз...

— Республика матбуотлари бериб ётипти-ку,— деди Самад.— Опа — депутат, қаҳрамон. Бизнинг материални писанд ҳам қилмайди.

— Домланинг топшириқлари,— деди бўлим бошлиги, бош редакторни назарда тутиб, шу билан мавзуга чек қўйган бўлиб.— Шамол зарар етказган бўлса, тилга олинг,

айтинг: «Табиат инжиқликларига қарамай, талафотни мардонавор енгилб...» ва ҳоказо, ўзингиз биласиз.

— Заар етказмаган бўлса-чи?

Бўлим мудири Самадга ғаши келиб қаради.

— Хулласи,— деди у,— қаранг, қидиринг, сўраб-сурштирипг. Бўлмаса, ўйлаб топинг. Ибратли материал бўлиши керак.

Самад ўз хонасига чиқиб, столи устидаги қоғозларни саралади, кераклиларни стол ғаладонига солиб, қулфлади. Сўнг хотини ишлайдиган муассасага телефон қоқиб, колхозга кетаётганини, бир неча кундан кейин қайтишини айтди.

Кун яримлаб қолган, Самад ташқарига чиқиб, бир оз иккилапиб турди. Боргунча кеч киради, ётиш жойи нима бўлади? Район газетасининг муҳбири майдада одам, колхозда рўйхуш бернишмайди, эътибор ва мулозаматлар пойтахтдан келганиларга иисбатан қўлланади, баъзи кезларда область миқёсидаги шахслар ҳам бу доиги кетган колхозга келиб, оддийгина муносабатдан четда қолишади. Колхозининг муҳташам боги, унинг меҳмонхонаси одамлар, Москва ва Тошкентдан келган муҳбирлар билан банд бўлади, зиёфатларнинг кети узилмайди, машиналар тинмай ҳар тури масаллик, ичимлик, мевалар ташийди, мармар ҳовуз, фии ҳамноми, биллиард ўша мартабали меҳмонлар хизматидан бўшамайди. Самадга ўхшаганларга йўл бўлсин бунаقا жойларга? Бироқ район колхозида ишлайдиган ўргонининг уйи ўша колхоз марказида, отонаси Самадни яхши танишади. Шаҳарда ўқиган кезлари Мансур билан дўстлашиб қолишиган, кангул пайтлари бир-бирлариникига борди-келди қилишган. Самад Мансурницида ётиб қолаверади-да. Унинг устига Мансур иккичи фарзанд кўрибди, баҳона билан Самад ўргонини табриклаган бўлади, фақат магазиндан совға-салом қилиб олиши керак. Нигора туғилганда, Мансур хотини билан қутлаб келган, совғаси — гилдиракли атрофи панижара каравотча — ҳали ҳам асқотяпти.

Самад «Болалар дунёси» магазинига кириб боши қотиб қолди. Болаларга олинадиган буюмлар кўп, жаражи машиначалардан тортиб велосипедгача бор, аммо қайси бири совга учун мос — Самад мұқаррар билмас эди. Мұяссар бўлганда, дарров танларди, бунақага диди ўткир, ўйлади Самад, айни пайтда Мұяссар йўқ, бу вазифани ўзи бажаришига тўғри келади. Самад сотувчи жувонга маслаҳат солди.

- Совғани кимга олмоқчисиз? — сўради жувон.
- Жиянимга, — деди Самад, гапни қисқа қилиб.
- Неча ёш?
- Ярим яшар... — деди Самад миясида нималарни дир чамалаб.

— Ана, шақир-шуқур ўйинчоқлар тиқилиб ётибди, — деди жувон ва бир неча ҳар турли пластмасса ўйинчоқларни пештахтага ташлади. Бу нарсалар ҳаддан ташқари арzon эди. Самад илжайиб, бошини бурди. — Ёқмадими?

- Жа арzon-ку, — деди у. — Қимматроғи керак.
- Велосипедча ола қолинг, — деди жувон, велосипедлар турган томонга бошини ўгириб. — Уч гилдиракли. Кейинчалик минади. Ўтил бола учун бу яхши совга...

«Илгор» колхозининг марказигача бўлган йўл уича олис эмас, лекин бир-икки жойда шамол дараҳтларни йўлига қулатган экан, токи тракторлар уларни четга сурисиб, йўлни бўшаттуига қадар талай вақт ўтди, кеч кира бошлаганида, Самад мапзилга стиб борди. Мансур ҳали ишдан қайтмаган экан, Самад унинг оила аъзолари билан сухбат қуриб ўтирди. Мансур келганда, чироқ ёқадиган пайт бўлиб қолган эди. Улар самимий кўришишди.

- Нега ишхонага телефон қилмадинг? — дашином берди Мансур. — Эртароқ келардим.
- Эсимга келманти, — деди Самад, ўртогининг келганидан руҳланиб.

— Ўтир, ўтир, Самад, мен бир ювиниб олай, сасиб кетганимни сезяпсанми? — деди Мансур ечинаётуб. — Беш-ўнта дараҳт каналга ағанаган экан, эрталабдан тиним йўқ. Адолат! Сочиқ опчиқ!

— Ванинада тоза сочиқлар бор,— деди хотини ошхонадан бошини чиқариб. Унинг қўлида эмизикли гўдак боласи бўлиб, тўрт яшар қизи онасиининг этагидан тортилар, ғашлик қиларди.

— Берсанг-чи болаларигни бувисига,— бақириброқ деди Мансур, хотинига ичи ачигандек бўлиб.

— Намоз ўқигани кириб кетишид, — жавоб берди Адолат хижолатдан бир Самадга қараб олиб.— Ҳозир чиқишиади.

— Қанақа овқат қиляпсан?

— Ош. Гуручини соламан.

— Менга бера қолинг болаларни, Адолхон,— деди Самад, ўринидан туриб ва бир-икки қадам юрди.

— Унашмайди. Бемалол ўтираверинг,— дея Адолат яна ошхона ичида гойиб бўлди.

Ошдан кейин ҳандалак сўйишиди, ҳиди ҳаммаёққа тарқаб кетди.

Терак баргларини йилтиратиб, тўлин ой чиқа бошлади.

Самад билан Мансурга сўрига жой қилиб беришиди, йиғишириб қўйилган пашшахонани туширишиди, икки дўст кўрпа устида майкачан ўтириб, сигарет тутатишди.

— Даданг таъминот бўлимига ўтибди,— деди Мансур, ўртоғининг кўнглини овлаш ниятида.— Даромадли иш, дейишади.

Ўртоғининг гапида андак киноя бордек туюлди Самадга — Холбоев билан қудачиликка ишора эди.

— Даромади курсин,— деди Самад бир оз асабийлашиб.— Нега ҳам ўшалар билан қариндош тутинидик? Замирани нобуд қилишиди. Ўғли безори экан, ўша бошига етди. Зулм солган, рашик қилган, Замира ҳамма нарсани ютган, эзилган, натижада юраги бардош бера олмаган.— Самад чукур хўрсинди.— Мендаям айб бор. Сингленинг у йигитга кўнгли йўқлигини билардим, била туриб орага тушмадим, дадамдан адиша қилдим. Аслида дадам ўша тўйни жадаллаштириди, аямнинг ҳоли жонига қўймади, қизингни унат, деб. Мана, оқибати, Замиранинг ўлганига

йилдан ошди, аям билан дадам тескари, сал нарсага жанжал кўтарилади. Буларнинг ади-бадисидан юрак безиллаб қолгаи, хотиним олдида уяламан.

Мансур хўрсинди.

— Ҳар бир хонадонда ўзига яраша ғам-ташвиши бўларкан-да,— деди у ва яна пимадир кўнглида бордек жимиб қолди.— Хотинимни кўр қариб кетганини. Энди йигирма бешга кирган жувон. Юванишга ҳам вақти йўқ. Меҳнатдан боши чиқмайди. Пилла айниқса қийин бўлди бу йил, ҳеч кимга тиним бермади. Колхозчилик, план бергаи, боқмасаиг бўлмайди. Айниқса, барг танқис, қийнаб юборди. Водхознинг иши билан район изгийман, кўзим тутда, шарт-шарт қирқаман, машинага босиб, қочвораман. Ушлаб олишса, болта билан солишади миямга. Колхоз таъмин қилишга улгурмайди, не алпоз билан келтириб ташланган барги сўлиб қолгаи бўлади, қурт смайди. Хотин чурвақалар билан ўралашиб қолгаи. Богчани пиллага олиб қўйишган, ҳамманинг боласи кўчада қолгаи. Пилланинг ўзи бўлса кошки эди, экин бор, унга қарашиб керак, мол-қўй, рўзгор ишлари — кир ювиш, овқат пишириш, болаларни эмизиш, ухлатиш, дегандек...

— Уч йил бурун колхознингизда икки қаватли болалар bogчаси қурилиб, довруги бутун республикага кетувди, ўшатда қурт боқишидими? — таажжубланиб сўради Самид.— Богчани намуна қилиб кўрсатишувди. Ўзим ҳам хабар ёзган эдим.

— Намуна бўлгани курсин,— деди Мансур асабий ҳолда қўл силтаб.— Ҳамма бало шуинда-да!

Самид ўртоғидан кўзини узмай, гап давомини кутарди.

— Ҳаммасини жамлаб келганда, болалар ўша довруги кетган боғчада уч йил мобайнида яrim ой ҳам туришмаган.

— Туришмаган? — баттар таажжубланиб сўради Самид.— Яъни болалар ўша боғчага қатнашмаган, демоқчимисан?

— Ҳа-да! Эски бөгчасига, ўша авария ҳолатидаги чолдеворга боришади. Эски ҳаммом — эски жом! — тутақиб деди Мансур.— Ўша исқириллик, антисанитария, чоки ситилган түшаклар, ойлаб ювилмайдиган чойшаб-гилофлар, шалоқ столлар, курсилар, каравотлар, тарбиячилар қўлини артадиган деразапардалар, зах ерга солинган увада шолчалар, ахлатлари суркалиб кетган болалар, маймоқ ўйинчоқлар, начоги чиққан алюминий идишлар... Мунақа идишда одам итига ҳам овқат бермайди... Э, қайсенинин айтай, ўртоқ! Шунинам ҳар йили пиллага тортиб олишиади. Болалар бөгчага бормаганидан хурсанд!

— Ҳа, янги бөгча-чи? Намунали бөгча! Нима учун болалар унга қатишмайди? Ахир бөгчамисан бөгча-ку! Ўзим кўрганиман — икки қаватли, жиҳозлари антиқа, ўйинчоқлари кўзни қамаштиради. Гиламлар, дарпардалар, қандиллар! Ҳовлисида ҳар турли ўйин аслаҳалари, бас-сейн, гулзорлар, дараҳтлар!

— Тўгри! — деди Мансур ўртоғининг кўтариники оҳангидан.— Гулзорлар! Дараҳтлар! Ҳамма нарса муҳайё! Бөгча эмас — санаторий! Колхозчиларининг икки юз эллик минг пули сарф бўлган қурилишига!

— Хўш, нега бўлмаса болалар бормайди? Ё бирон ишқали чиққами?

— Йўқ! Ҳеч қанақа ишқали йўқ!

— Нега болалар бормайди?

— Боради,— деди Мансур заҳарханда билан.— Марказдан ёки хориждан меҳмонлар келишганда. Бир-икки соатга. Шундан колхоз маъмуриятининг назоратида. Биронта бола ўйинчоққа тегиб кўрсип-чи, уриб қўлини синдиришиади! Хорижий меҳмонлар ёки марказдан келган мартабаси улуг шахслар бөгчани кўриб кетишлари билан болаларни чопқиллатиб эски жойига олиб келиб ташлашади. Бөгча эшигига яна қулф осилади! Қалити опанинг сейфида туради — яна битта шавбатдаги маросимгача!.. Самад, ўша крахмалланган чойшаб-ёстиқларда болалар бирон мarta ҳам ётишмаган, улар ҳам ўрганиб қолишган:

стулчаларда давра қуриб ўтиришиб олишади-да, «Ох, капалак-капалак» деган ашуласини айтишаверади...

Самад ҳанг-манг бўлиб қолди.

— Ахир бу... кўзбўямачилик-ку, Мансур! — деди Самад газабда.— Нега жанжал кўтармайсизлар ахир? Нега тек ўтирасизлар?!

— Юқоридан топшириқ шунақамиш,— деди Мансур ўзини гўлликка солиб.— Биронта муассаса намуна ҳолида сақланиши керак эмиш...

Шамол дараҳтларни чайқатар, анча тепага кўтарилиган ойнинг совуқ ёғдусида оқ пашшахона танҳо елканни әслатарди.

2

Самад колхоз раисининг кабинетидан чиқиб кетгандан кейин, опа — чап лунжидаги қизгиш нори бор, эркакларга ўхшаган, чамаси элликларга борган семиз аёл — ноҳуш тин олди, ёпилган эшикка бир неча дақиқа хўмрайиб қараб ўтириди. Афтидан, Самад билан бўлган суҳбати кўнгилсиз асорат қолдирган, семиз эти газабдан яна ҳам шишиб бораёттандек кўршиарди. Ниҳоят, у гавдасига номуносиб чаққон ҳаракат билан телефон тубкасини шарақлатиб юлиб олди.

— Асом Пардаевич! — деди у асабий тоқатсанлизик билан райкомга телефон қилиб. Ганириш тараидан маълум эди — опа райкомдагиларни ҳам у қадар писанд қилмас эди.— Бу қанақаси ўзи?! Тинч ишлай олмайдиган бўлиб қолдик-ку!.. Салом... Яхши. Сплошной гулга кирди. Сугорянимиз... Йўқ! Сугориб бўлмагунимизча сувга тегмай турализлар. Ҳа! Бошқа хўжаликлар билан ишим йўқ... Кўчкат сувга тўйниши керак. Шамол букиб кетди, бўлмаса бошини кўтара олмайди... Айтдим-ку, Асом Пардаевич, бошқа колхозлар билан ишим йўқ. Сувга тегманг, тепага телефон қиласман... Нима?.. Қанақа гап?.. Ҳа, айтмоқчи!.. Районини газетасидан бир мухбири келиб, кўп таъбимни хира

қилиб кетди... Сатторов экан фамилияси, исми Самадмиш... Бу ўзи қанаңа бефаросат одам?! Фўзаларнинг ахволи мунақа, бориб кўришнинг ўрнига, болалар боғчаси ундоқ-мундоқ, дейди, нега болаларни янги бинога ўтказмайсиз, кўзбўямачилик, муттаҳамгарчилик, дейди, Московни рўкач қиласди. «Правда»га ёзаман, боғча болалар учун қурилганми ё меҳмонларга кўрсатиш учунми, дейди, пўписа қиласди! Бир кўнглим — милиса чақириб топширворай ҳам, дедим, ўзимни босдим. Энди кунимиз шунаңа жипириқларга қолдими? На унвоним, на мартабам билан ҳисоблашмайди! Қаттан топасизлар бунаңа маҳмадоналарни?! Бутун кунга настроениямни бузиб кетди, қандай қўлим ишга боради, қалтираб ўтирибман, валидол ичдим. Ҳа, энди, Асом Пардаевич, сал эви билан-да!.. Сал мундоқ жиловини тортиб қўйиш керак ўша галамисни! Ҳамма нарсага мунақалар тумшуғини суқаверишса, айтиб қўяй, йўлга патруль қўйдириб қўяман, қаёқдан келган бўлса, ўша ёққа кетаверишади! Ташвишим бошимдан ошиб ётипти, пахтани ўйлайми ё мунақсанги исковучларни пойлайми? Наманганда мунақага ўхшаганларни, биласизми, нима қилишади?.. Ҳа, балли!.. Асом Пардаевич, бирор келадиган бўлса, огоҳлантириб қўйишсин, мендан сўрашсин, йўқса, эшакка тескари миндириб, чиқартириб юбораман!.. Асом Пардаевич, ўзингиздан қолар гап йўқ, ўёқ-буёққа ёзиб юрмасин. Бари бир текширадиган бўлишсаям, материални районимизга жўнатишади, у акиллаганича қолаверади. Бузоқнинг юргургани сомонхонагача-ю, ҳар қалай билган ундоқ, билмаган мундоқ, дейди, районнинг шаънигаям яхши бўлмайди, олдини олиб қўйган маъқулроқ-да, Асом Пардаевич, тоза сувни лойқалатмасдан аввал...

3

Ҳамдам машинасида кета туриб, автобус станцияси томон уч гидиракли велосипедча қўлтиқлаб бораётган

қайногаси Самадга кўзи тушди. Қизига велосипед олган бўлса, буёқларда нима қилиб юрибди, уйи тескари томонда-ю, деган фикр хаёлидан ўтди, машинасини тўхтатиб, саломлашиши, агар узокроққа кетаётган бўлса, элтиб қўйишни чамалади, бироқ ҳозир бундай нарсалар Ҳамдамнинг дилига сифмас, у дарҳол фикридан қайтди. У уйдан Замиранинг қабрига бориш, анчадан буён дилини тирнаётган, на тушида, на ўнгида ҳаловат бермай, бутун вужудини исказижага олиб, дунёсини қоронғи зимиstonга айлантириб келастган қарама-қарши кечинималарни яна бир карра ўйлаб чиқиши, бир қарорга келиши керак эди.

Замира қазо қилгандан кейин бу кутилмаган мусибат Ҳамдами жуда қўрқитиб юборди. Ўша жанижал бўлган кечаси у тезда ухлаб қолди, кечаси ичкилиқдан қаттиқ чанқаб уйгоиди, ёни бўш эди. Хириллаб хотинини бир неча бор чақирди, жавоб бўлмагач, аразлаб, онасиникига кетвортгандир, деб ўйлади, ўрнидан аранг турди, майкачан ҳовлига тушди — ҳаммаёқ туман, ҳаво совук эди, вапнахонага югурди. Чироқ ўчирилмаган, ҳали кайфи тарқалмаган Ҳамдам анграйиб рўпарага тикилиб қолди. Аста-секии кўзи олдидағи хира тасвир аниқлаша бошлади: хонанинг шифти бўйлаб ўтган чўян трубага арқон борғланган, сиртмоқда калласи қийшайиб хотини осилиб турар, оёқлари яланг, иккала қўли узун танасиға ёпишган, стул кафель полда аганаб ётарди. Ҳамдаминг томогидан бўгиқ қичқириқ янгради, ўзи хонадан отилиб чиқиб кетди, уйига кириб, қўрпасига ўрапиб олди. Томоги қақраб, юраги гурсиллаб урар, ҳаммаёқ даҳшат таратгандек қоронғи эди. Аранг ҳушини йиғиштириб, энди турмоқчи, ота-онаси яшайдиган ҳовлининг охиридаги уйга чопқиллаб, уларни уйғотмоқчи бўлиб турувди, ҳовлидан отасининг йўтали эшитилиб қолди. «Ҳеч нарсани қўрмаганга олиб ётавераман,— деган ўй яшиндек хаёлидан ўтди,— дадам ҳозир ҳамма парсани ўзи қўради, ҳаллослаб югуриб келиб, мени уйғотади, мен сир бой бермайман, ўзимни билмаганга соламан»... Аммо ҳадеганда отаси келавермади,

онасининг ҳам овози чиқмади. Ярим соатлар чамаси ўтгандан кейин, дарвоза очилгани, аллақандай кишининг фўнгиллагани, дадасининг асабий товуши, дарвозанинг очилгани, машинанинг гир-гири, кимларнишгидир дупури Ҳамдаминг қулогига чалиди... Ўша кунининг кечига бориб, юраги экикес берибди, деган хулоса билан Замирани кўмиб келишди. Ҳамдам хотинии қай тарзда кўрганини айтмади.

Биринчи кунларда бунақаңги диагноз Ҳамдамга ҳатто маъқул тушди ҳам, чунки шу йўсун билан унинг қабиҳлиги аён бўлмас, жавобгарликка ҳам тортилмас эди. Дадаси уста-да, Равшанинг ўлимини қандай уюштирган бўлса, Замиранинг диагнозини ҳам хамирдан қил сугургандек моҳирона амалга оширди. Ёниглиқ қозон ёниглигича қолаверди.

Замира вафотидан сўнг Ҳамдам бетиним ичадиган бўлиб қолди. Хотинига қуяяпти, ичиши аламидан, деб ўйлашди ота-онаси, қўйиб беришди. Кўчада маст-аласт юрмаса, безорилик қилиб, отасига испод келтирмаса бўлгани, уйда ичганича ичавермайдими. Бироқ ичкилик ҳам жонига тегди шекилли, бориб-бориб Ҳамдам ичкиликка ҳам қарамай қўйди, ҳеч ким билан гаплашмайдиган, тунд, ёввойи бўлиб қолди, гап очилса, отасига ҳам, онасига ҳам қўпол жавоб қилишга одатланди.

— Ўғлинигни уйлантириш керак,— деди бир кун Холбоев хотини Манзурага, Замиранинг ўлганига ярим йил тўлар-тўлмас.— Хотини эсидан арийди, ичиши камайтиради.

— Келинингиз ўлганига ҳали ҳеч қанча бўлмай туриб-а?— деди хотини хавфсираб.— Одамлар нима дейди?

— Унаштириб қўйишган бўлса, қайнота ўлган уйга ҳам икки кун ўтмасдан келини туширишяпти,— деди Холбоев ижирганиб ва қўлидаги сочиқни қозиққа улоқтириди.

— Ҳа, энди, улар мажбурлиқдан-да, агар тўй муддати тайин қилинган бўлса,— эътиroz билдириб кўрди Манзура

опа.— Бизники шошилипч эмас-ку. Ўғлингиз юра турар. Ота гўри — қозихонами, дадаси? Ўлик уйимиздан чиқмасаям бир нав эди.

— Ўғлингдан кўнглим иотинч,— деди Холбоев четга бошини ўгириб.— Бирон ишкан чиқармаса, деган хавотирдамаи. Менга деса яна бир йил ўтмайдими? Қайтага яхци, булар шунча аза тутишди, келинининг ҳурматини жойига қўйишди, дейди одамлар... Аммо-лекин Ҳамдамингни кўр... боши ичкилиқдан чиқмай қолди... Шерикларига бўлар-бўлмас нарсаларни айтиб юборса...

— Нимани айтарди?— Манзура опа келинининг ҳақиқий ўлимни билмаганидек, Равшанинг ўлеми сабабларидан ҳам, аварияни эрининг ўзи уюштирганилигидан ҳам бехабар эди.

— Ниманими?— Холбоевни энсаси қотди.— Замиранинг юраги ўз-ўзидан чатоқ бўлмагандир-ку. Ўғлинг қийнагандир, анови ўлиб кетган йигитга рашк қилгандир... Неччи марта ўласи қилиб урди, кўчага чиқолмай юрди келининг. Тағинам ориятли экан, кўкарған кўзини тангиди онасиникига кетиб қолганда, биласаними, нима бўлиши мумкин эди? Судга беришса, ўғлингни қамаб юборишарди. Мени ишдан четлаштиради. Ўтиардик, оҳимизни худога айтиб...

Холбоевнинг ҳадиги асосли эди, албатта. Ўғли Замирадан айрилиб қолганига аламзада бўлиб юритти, кайф аралаш алжиллаб қўйса, Равшанинг ўлеми билан боғлиқ бўлган тафсилотлар ўз-ўзидан очилиб кетади, одамлар оғзини тўсиб бўларниди? Висир-висирларчувалашиб, вазият эпақдан чиқади, ёмон тус олади. Нима бўлмасин, Ҳамдани тезлик билан уйлантириб қўйиш зарур, ўзи билан ўзи овора бўлиб қолади, виждопи қийналмайди. Хотинжон нақадар ширин, қандай мураккаб парсаларни четга суриб ташламайди?

— Хўмрайиб юришини қара,— деди Холбоев, кўчага келиб тўхтаган машинага қараб ва стулдаги костюмини олиб кия бошлади.— Хотинини худди мен ўлдиргандек.

Ўзидан кўрсин, хумпар, камроқ азоб берсин эди... Гаплашиб кўр,— дея у каравот ёқасидаги бошини қуий солиб ўтирган хотинининг олдида тўхтади.— Кўнглида биронтаси бўлса, айтсин...

— Мени жеркиб беради,— деди бир оз жим тургач, Манзура опа четга қараб.— Эркаксиз, ўзингиз гаплашинг. Сизнинг йўриғингиз бошқа. Мен бўлак ишларга бош қўшарман — совчиликка бориш, расм-русум...

Мавриди келмадими ёки янги келип ҳақида сўз очишни ўзига эп кўрмадими, ҳар қалай анча пайтгача Холбоев ўғли билан сухбат очишга юраги дов бермай юрди. Аммо ўғлининг кун сайин авзойи бузилиб бормоқда, бир кори ҳол юз бермай туриб, у билан гаплашиб олиши керак эди. Бироқ Ҳамдам отасининг шундай ниятини сезиб юрса-да, сухбат очилишини истамас, унинг қабиҳ усулини юзига солиб ташлашдан ҳайиқарди, чунки Замиранинг ўлими ҳақида гап очилиши муқаррар эди, очилса тухмат диагноз ҳам, Равшанининг ҳаётига суиқасдуюнтирилганлиги ҳам ўз-ўзидан тилга олинмай қолмас эди.

Тўғри, Ҳамдам хотинига нисбатан қўрслик қилиб келди, беҳуда рашқ билан дилига озор берди, қизғанди. Ҳар гал Ҳамдам хотинини бағрига босганида, унинг кўзига тикилар, ҳамон унинг кўнгли Равшандалигини англаб олгиси келар, агар ундей бўлмаса, аксини эшлишини жуда ҳам истар, бироқ хотинидан у кутган изҳор чиқмагач, баттар эзилар, хотинига ништар ургиси келарди. «Мен аҳмоқ,— деб ўйларди Ҳамдам, ўз изтиробидан жизгиниак бўлиб,— нима қилардим шунига уйланиб? Ахир бошқа йигитга унаштирилганлигини билардим-ку! Ўз бошимга ўзим уқубат орттиридим...» Аммо қизғанса ҳам, рашқ қилса ҳам, Ҳамдам Замирани ўзига хос муҳаббат билан севарди, шунинг учундир, у Равшанинг ўлимига доир сирни айтиб юборгани — шахсий ғурурини ҳимоя қилиш, охирги зарба билан хотинини тавбасига таянтириш, ўзининг эса ҳамма ишга қодир ва зўр эканини кўрсатиб қўйиншдек аянчли бир тадбир эди. Шу беҳуда ҳа-

ракати билан ҳам суюкли хотинидан, ҳам бўлажак фарзандидан жудо бўлди Ҳамдам. Ўшанда Замиранинг дилидан қанақа даҳшатли фикрлар ўтди экан? Табиий: «Ҳали мен севгилимни ўлдириб, менга уйланиб олган қотил билан яшаб юрибманми, ҳали мен шу номарддан фарзанд кўраманми?! — деб ўйлаган,— мунақа разил, сотқин ҳаётдан кўра ўлганим афзалмасми?!» — дегап фикрга борган.

Ҳамдам аввалига дадасининг тадбирини жуда ҳам доно, деб тоғди, чунки шу билан ўша кезларда унинг ҳаётига хавф солиши мумкин бўлган таҳлика бартараф қилинган эди. Замиранинг ўлимига дахлсиз қолган Ҳамдам ичиде севиниб кетиб, ичкиликка берилди, бу жонига теккандан сўнг, ақли тиниклашиб, қандай мудҳиш иш қилиб қўйганини эътироф эта бошлади. Ахир бу қотиллик тасодиф натижасида рўй бергани йўқ-ку — Равшанинг ҳаётига бўлган суиқасд совуққонлик билан режалангани ва бу режа ўйлақ туриб амалга оширилган, севгилисидан маҳрум қилиб, Замирага эришишган, ажал оғзига олиб боришган. Бу ҳам етмагандек, юраги хаста экан, деб бари айбни унга қўйиб, кўмиб юборишган. Ўзлари оппоқ бўлиб, бўёқда қолаверишган. Бундан ортиқ яна қанақа қотиллик бўлиши мумкин? Ахир ҳаёт одамга бир марта берилади, бироннинг ҳаётини тортиб олишга буларнинг қандай ҳаққи бор?! Бу гуноҳ билан қандай яшайди Ҳамдам? Ахир бир умр бу зйлни дилида кўтариб ўтиш, бу юзта жазодан ҳам оғир-ку!.. Демак, Ҳамдам қаерда ва ким билан бўлмасин, нақадар бахтли онларни кечирмасин, Замиранинг, Равшанинг руҳи, қотиллигининг шарпаси қўз олдидан нари кетмайди-ку... Бундан мудҳиш азоб борми одам учун?..

«Ўзим кимман мен? Нимаман? — деб ўқтин-ўқтин ўйладиган бўлиб қолди Ҳамдам шунақанги ноchor пайтларда.— Тайин бир касбим йўқ. Институт аросат бўлди, сиртқи бўлимга ўтиб, уни ҳам ёлчита олмадим... Хотиним ўзини осиб қўйди, қотил бўлиб ўтирибман... Дадам — мунақа, кўнглига ўтиргмаган одам бўлса. найига тушади, бадарға қиласди, ёстигини қуритади, мансаб улашади, пора олади...»

Равшан қай йўсипда ўлганини онаси билмас эди. Бу ота-бала орасидаги сир, онасининг билмаслиги ҳатто мақсадга мувофиқ эди. Аммо наҳот онаси Замиранни ўз ўлими билан адо бўлган, деб ўйласа? Балки онаси Замираннинг сиртмоқда иайтини кўрмагандир? Ахир ўша кеча ҳовлида онасининг товуши эшитилмади-ку? Эҳтимол отаси уйга қайтиб кириб, онасига ҳақиқий аҳволини айтмагандир... Бор гап буёқда қолиб, дадаси ўзи кашф этган уйдирманинг айтгандир... Еки онаси ҳам ҳақиқий воқеадан хабардордир, отаси билан тил биринкириб олгандир... Наҳот шундай бўлса? Наҳот онаси ҳам шундай разил, мунофиқ одам? Наҳот?..

— Ўглим, ишхонанинга бормай қўйибсан, уч ойлик маошини ётгаимиш,— деди бир куни Холбоев креслода пўссайиб ўтирган Ҳамдамга ва ўридан туриб, телевизорни ўчирди.— Бориб олмабсан ҳам.

— Ишламаганимдан кейин қайси юз билан бориб маошини оламан?— деди Ҳамдам кўзини ердан узмай.

— Жиљла қурса, ўқишинигин ўйла, етти йил бўлди-я, ўглим,— деди Холбоев, ўзини босишга тиришиб.— Атроф-дагилар гап қиласди. Энди бўлар иш бўлди, хотининг тирилиб келмайди. Ҳадеб куюнаверма. Ичишни тўхтат. Эс-хушнингин йигиб ол, ўглим. Онангин қара, чўп бўлиб кетди дарднингдан, раҳм қил.

— Мен-ку майли-я, ўзини қараиг,— деди онаси, жаңжал чиқиб кетишидан ҳадиксираб.— Овқат емайди, уст-бошига қарамай қўйди. Уйда бўлса, чурқ этиб овоз чиқармайди, хуноб қилиб юборди одамини. Куйиш ҳам эви билан-да...

— Менга қара, Ҳамдам,— деди Холбоев креслога ўтириб.— Шунча вақт ўтди, етар. Турмушни ўйлаш керак энди. Еш боламассан. Биронта кўз остинига олганинг бўлса, айт, иложини қиласмиш. Бизга йўқ, дейишмас.

Ҳамдам шартта туриб, даҳлизга чиқиб кетди, кескин тўхтаб, орқасига ўғрилди.

— Иложини қиласмиш?— заҳарханда билан сўз қотди

Ҳамдам, унинг кўзлари газабдан чақнар, вужуди қалтирас эди.— Агар биронтаси билан унашиб қўйишган бўлсанчи?! Аввалгидек униям иложини қиласизми?

— Бақирма!— деб ўшқирди Холбоев, у ўғлиниг овозини атрофдагилар эшишини истамас эди.

Ҳамдамнинг онаси ҳеч нарсага тушунмай, эрига қарди. Холбоев гап очилганидан пушаймон бўлди, чунки кўп нарсалардан бехабар хотинининг олдида кераксиз тафсилотлар очилиб кетиши мумкин эди. Шунинг учун Холбоев ўзини қўлга олди, гапни бўлак томонга бурди.

— Майли, ўғлим, қизишка,— деди у ва хотинига қараб, жим бўл, маъносида қўл силтади.— Агар ҳали вақт кам ўтди, деб орият қилаётган бўлсанг, ихтиёринг. Биз шошилтирамаймиз. Шунчаки манфаатингни ўйлаб, гапирдик-да. Онанг шунақа девди, менам кўнибман, ўёгини ўйламабман. Кечир, ўглим...

— Кечирмиш,— писанди қилди Ҳамдам.— Қилар ишни қилиб қўйиб, «кечир!»

— Ўзи нима гап?— аланглаб сўради Манзура опа.

— Нима ишни қилиб қўйиб?— ғазаби қайнаб сўради Холбоев.— Ўзингмасми қўярда-қўймай қисталанг қилган, икки оёғимизпи бир этикка тиқкан?

— Ахир сизлар ота-онамсизлар-ку!— тувақиб гап отди Ҳамдам.— Нега қайтармадинглар? Нега бу иш яхшимас, гуноҳ бўлади, унаштирилган, демадинглар?! Мен-ку такасалтанглик, тантиқлик қилибман, нима учун сизлар оғзимга урмадинглар?!

— Гапга кирмадинг-ку, хумпар!— ўзини тута олмай ўшқирди Холбоев.— Неччи марта айтиб кўрдик, иисоффа чақирдик, унамадинг-ку ўзинг! Үламан саттор, олиб берсаларинг ҳам олиб берасан, олиб бермасаларинг ҳам деб, ҳоли жонимизга қўймадинг-ку! Уйга ўт қўяман, ўзимни пичоқлайман, деб туриб олган ким эди?! Энди даъвони бизга ағдармоқчимисан? Агар сен тентак ўжарлик қилиб туриб олмаганингда бир бечора, бирорнинг фарзанди ўз ниятига етган бўлармиди, шунча мусибатлар бошимизга

тушмаган бўлармиди! Балки ҳозир мана мундай сўққабош бўлиб юрмасдинг, бошқасига уйлансанг, ҳозир невараба кўрардик, ҳозиргидек сўппайиб ўтирмасдик!.. Қайтармадиларингмиш яна!..

Онасиинг аланглашидан Ҳамдам билдики, у Равшанинг ўлимидан ҳам, келини ўзини осганлигидан ҳам бехабар, агар Ҳамдам отасидан аламини олиш ниятида ўчакиша, ҳамма нарса юзага чиқиб кетади. Даҳшатли сирдан воқиф бўлган онаси чидай олмайди, энди Ҳамдам онасии ҳам гўрга тиқадими? «Иложини қиласизми?» деган сирли ибора билан юрагига гулгула солиб қўйгани ҳам кифоя. Шунинг учун Ҳамдам бўлак можарони чўзмади, уйига кириб, ўзини каравотга ташлади, йиглаб юборди...

Бронза қоришмасига бўялган чўян панжаранинг ич томонидаги скамейкада Ҳамдам сукут сақлаб ўтирас экан, талай мушкул, зид ўйлар хаёлидан ўтар, уни азобга солар, нимадир қилишга ундар эди.

Замиранинг қабри устига ўринатилган мармар супа топтоза, хўқачадаги гуллар сўлий бошлагап, сағананинг атрофига сув сепиб супурилган эди. «Онаси келгандир,— деб ўйлади Ҳамдам хотинининг қабри саришталигини кўриб.— Бечора... Ойдек қизидац айрилиб ўтиришти. Шўрликнинг нима ёзгани бор эди? Соппа-сог қизини касал, юраги хаста экан, дейишса, ишониб юришипти, текшириш кераклиги хаёлларигаям келмади-я... Агар экспертиза талаб қилишса — бўларди томоша!.. Ана унда кўрсии эди дадам бирорга панд бериш қанақа бўлишини! Мен-ку, кесилиб кетардим, балки ҳозир бирор ўрмонзорда дараҳт қулатиб юрармидим... Дадам ҳам кўрарди кўргилигини... Биз-ку, қанақа бўлмасин, бир куниизни кўриб кетармиз, аммо Замира дунёда ҳали ҳеч қандай рўшнолик кўрмай, дунёдан ўтди. Нега уйдан чиқиб кетмади? Нега дод солмади? Нега ғазабини ўзига қаратди, ўз жонига қасд қилди? Нега лоақал мендек абраҳми ўлдириб, миямни болта билан янчиб, кейин ўзини осмади?! Ахир ўчини олган бўларди-

ку! Бизнинг оиласизга пайд етказарди-ку!.. Эътиқоди зўр экан... Шундай қизга ўзимни тенг қилмоқчи бўлибман-а мен итвачча, рашқ қилибман, дилига озор берибман... Қандай яшаш керак буёғига? Қандай?! Шундай разилликдан сўнг умуман ҳаққим борми яшашига?..»

4

Замира узатилганига бир неча ой бўлган, анъанага кўра иккала томон куёв чақириқ, қуда чақириқ қилишди, бироқ Жалол aka қанча Холбоевнинг оғзига қарамасин, ундан садо чиқавермади. Жалол aka ишидан норози эканни гапда қистириб ҳам кўрди, аммо Холбоев ёки ўзини пайқамагана гапди, ёки қудасини дарров дурустроқ жойга ўтказса, гап-сўз бўлади, яқин одамига «ёғли» амал инъом қиляпти, деган висир-висир тарқалишини истамади, ҳар қалай, мавзу шу ҳақда кетганда, суҳбатни четта суриб келди. Лекин бари бир Жалол aka нима учун Ҳамдамга қизини бериш тарафдори бўлганини, ҳатто бу борада кўп тиришганини, қизини унатиш учун хотишига қанчалар қисталанг қилганини ва у оила тўйга рози бўлиши учун Жалол аканинг хизматлари қатталигини Холбоев биларди, албатта. Жалол аканинг қудасидан маълум имтиёз кутиши аён эди.

— Дада,— деди бир куни Самад зиёфатдан кейин,— намунча қудангиз олдида хушомад қилмасангиз? Ҳаммалариям меҳмон, баравар қараш керак-да. Сиз нуқул унга мулозамат қиласиз, икки кўзингиз ўшанда.

— Қуда бўлганидан кейин, хурматини бажо келтириш керак-да, ўғлим,— деди Жалол aka сир бой бермай.— Бўлмаса одобни билмайдиган бефаросат одамлар экан, деб кетишарди...

— Ҳурматини бажо келтириш керак, албатта, лекин бунчалик хокисор бўлиб эмас-да...— деди Самад ранжиб.— Холбоев биронта гапингизни охиригача эшигани йўқ.

— Замирани ўйлайман-да, ўғлим,— деди Жалол aka

аидак мулзам бўлиб.— Уига ёмон қарашмасин, дейман... Замира уларнинг қўлида, муросасозликни ўйлаш керак...

Замира Холбоевлар хонадонига келин бўлиб тушгандан сўнг ҳамма нарса жуда силлиқ кета бошлади. Аммо Сохида она қизининг кўзига зимдан назар ташлар, ҳеч қандай қувоноч аломатини кўрмас, қизининг бундай лоқайд ҳолатини унинг камтарлигига, одобига йўяр, агар узоқроқ ўтириб қолса, «Борақол, болам, кеч бўлиб кетди, ёш келин қоронги тушганда кириб борса, хунук бўлади», деб тезроқ қизини уйдан чиқариб юборишга уринарди. Бу ҳаракат «Қизим, сенга айтаман, келиним, сен эшит» қабилида бўлиб, Муяссарга ҳам тегишли панд эди, чунки келини Муяссар ҳам тез-тез йўл-йўлакай ишдан кейин опасиникига кириб, кеч қолиб келарди. Сохида она бир неча бор қизининг самимий, бегам кулганини кўриб, юраги таскин топди. «Хайрият,— деб ўйлади у ич-ичидан қувониб,— қизим янги оиласга кўника бошлабди... Қиз зоти шунаقا, аввалига фироқ қиласди, кейничалик бирар иноқ бўлиб кетадики, гўё шунча кўзёшилар бўлмагандек. «Куёвингиз ундоқ деди, куёвингиз фалон нарса олиб берди, куёвингиз... куёвингиз...» Бироқ Замира бирон марта ҳам бундай гапларни тилига олмади, онаси суриштирадиган бўлса, «тузук, яхши», деб қўярди, холос. Бир неча бор самимий кулишларининг сабаби бўлак нарсада эди — Замиранинг бўйида бўлиб қолган эди. Ҳаёт қандай бўлмасин, табнатиниг ўз қопуилари бор. Жуфтлик, наслни давом эттириш билан боялиқ лаззат, завқ, она бўлиш, юрагинг остида муштдек бир жон яралини, шакллана бошлаши... нақадар ҳаяжонли. Бироқ Замира бу хабарни опасига айтишга ошиқмади. Орият қиласди, чунки Замира турмушга ўз хоҳишига қарши чиққан, куёвни ёқтирумас эди, шунинг учун янгиликни онасига айтса, хурсанд бўлиб кетгандек кўриниши мумкин эди.

Замиранинг ҳомиладор бўлганини уйидагилари умуман сезишмади, ҳатто Замиранинг устидан тупроқ тортилганда ҳам бундан бехабар эдилар.

Кутилмаганда фожиа юз берди, Холбоев зудлик билан чора ахтара бошлади. Ёш, сошига-сог жувон уч ойлик ҳомиласи билан ўлиб кетаверса, унинг оиласидагилар қараб ўтирмасликлари мумкин эди, шунинг учун бир тадбир қўллаб, уларниг тилини қисиб қўйини зарур, акс ҳолда... Замиранинг вафотидан кейин ҳафта ўтар-ўтмай Холбоев қудасини янги ишга ўтқазди. Жалол ака лаққа этиб тушиб-қолди, чунки бу амал райони миқёсида марта бали бўлибгина қолмай, таъминот бўлимни иқтисод жиҳатидан ҳам даромадли жой эди.

Жалол ака эди элликка кираётган, кўча-кўйда чиройли қиз-жувонларни кўрса, юраги алланечук бўлиб кетадиган, ҳали бақувват киши эди. Шунинг учун Жалол ака янги лавозимга тайинланганидан сўнг аввалги корхонасида ишлайдиган ёш бир жувонни ўз идорасига ўtkазиб олди. Салимаҳон бир йил ҳам турмай эридан ажрашган, боласиз, кўзга яқин жувон бўлиб, аҳён-аҳёнда у билан Жалол ака ҳазилкашлик, тегажотлик қилиб юрар, кўнглини топиш нияти йўқ эмас, бироқ қимматбаҳо совғалар билан оғдиришга қўли калталик қиласди. Ёшлиқнинг кети, қарйликинг боши, қани эди ҳамёни кўтарса, кўнгли истаётган унча-мунча фароғатдан баҳраманд бўлиш гуноҳми? Бинобарни, янги ишга ўтгандан кейин қўли беш-тўрт танга кўрадиган бўлиб қолди. Машини-ку, санаб рўзгорига беради, аммо бошқа йўсии билан ортирганини эски пальтоси чўнтағига яшириб келади, тузуккина тўпланиб қолган, пальтони титкилан ҳеч кимнинг хаёлига ҳам келмайди. Фақат Замиранинг йили ўтсии, ундан кейин Жалол ака кўнглига тугиб қўйган режаларини ими-жимида амалга ошираверади, виждони қийналмайди. Нега қийналсан? Хотини бўлса, қизимизни сиз жувонмарг қилдингиз, деб зуғум солса, ҳоли жонига қўймаса, иуқул йигласа, эрини кўрди дегуича, жаижал кўтаришга тушса, ҳамма айб сизда, қизигини унат, деб бошимда ёнгоқ чақдигиз, мен ўлгур қизиминиг кўнглига қарамай, аврадим, кўзини очирмадим, ахири кўпидир-

дим, мана оқибати нима бўлди, деяверса... Уйига киришга юраги дов бермаса, хотинидан қўрқса, на ётиш-туришда, на емишда ҳаловати бўлмаса, саҳар турибоқ, апил-тапил ювениб, қўчага отилса — бу қанақа ҳаёт? Авалиёсиям диндан чиқади-ку!

Шубҳасиз, Жалол ака суюкли қизидан жудо бўлгач, қаттиқ изтиробга тушди. Замирага меҳри бошқача эди, ўлди, деган хабар Жалол акани караҳт қилиб қўйди, у анчагача ҳушига келолмай юрди, мусибатини англагач, вужуди ўртанди, ҳатто бир марта ўзини тута олмай баралла йиглаб юборди, пешонасига алам билан муштлади. «Отанг ўлса бўлмасмиди, болам?!» — деб фигон қилди, ҳаммани йиглатди. Ҳовлидан чиққан йиги товуши узоқ-узоқларга таралди, бу мусибатдан хабардор кўп одамларнинг дилини вайрон қилди.

Замиранинг йиллик маросими Жалол аканинида ўтишига қарамай Холбоев шахсан ўзи бошчилик қилди. Иккита дошқозон осилди, ўн-ўн бешта қўй сўйилди, маросимга мингдан зиёд аҳоли келди.

Холбоев буютирган мармар Замиранинг қабрига ўрнатилди, сағанаси очилишига бағишланган йиғилиш тантанага айланиб кетди — Замиранинг мактабидан ўқувчи-пионерлар келиб, мақбара атрофида саф тортиб туришди, мунгли куй янгради, яқин одамлар нутқ сўзлашди. Сиртдан бу маросим Замиранинг хотирасига бағишланган бўлса-да, аслида Холбоев ўзи учун, ўз мартабасини улуғлаш учун уюштирилган тадбир эди, бироннинг ўлимидан ҳам ўз манфаати учун фойдаланиб қолиш эди. Холбоевнинг режаси маълум жиҳатдан амалга ошди ҳам — қўплар Холбоевнинг шаънига тасанинолар айтиб кетишли, қойил қолишли, қариялар дуо қилишли, четдан гарифона мулозамат қилиб турган Холбоевнинг қўлинни сиқишли, кўзларига суришли, Ҳамдамга қарашмади ҳам.

«Оббо дадам-эй! — деб ўйлади Ҳамдам, бунақанги дабдабадан у ҳам ҳайратланиб.— Нақадар уста! Нақадар доғули!..»

«Илғор» колхозининг раиси телефонда район газетаси мухбири устидан шикоят қилиб, ўдағайлаганидан сўнг, Асом Пардаевич ўйланиб қолди. Опа областдагина эмас, республикага донги кетган, энг юқори лавозимдаги раҳбарлар билан ҳам телефон трубкасини олиб дангал гаплаша-верадиган дадил, мақтovларга ўрганиб қолган аёл. Унинг гапини иккита қилиб бўлмайди. Асом Пардаевич тугул, муросаси чиқишмай қолгудек бўлса, область бошлиқларини ҳам думини тугворишга қурби етади, республикада орқа қиладиган одами бор, ҳеч ким «мушугини пишт», дея олмайди. Ўз колхозида-ку, мутлақ ҳоким шахс, ҳаммани зир югуртиради. Бироқ хўжалиги мустаҳкам, даромади зўр, колхозчилар тўқ-тотув яшашади, шунинг учун Опа нима тадбир қўлламасин, ҳеч ким мулоҳаза қилиб ўтиrmайди, барча кўрсатмаларини хозиржавоблик билан маъқуллайверади. Маъқулламай ҳам кўрсинг-чи?..

Мухбир Опанинг қаҳрига учрабди, демак, унга нисбатан Асом Пардаевич бирон чора қўллаши, қўллаган чораси ҳақида Опани хабардор қилиши лозим, ийқса, «гапимни инобатга олмабсиз», деб тагин бир ҳунар чиқарди, тўнини тескари кийиб олади, ўчакишиб қолади. Опа тутганини қўйиб юбормайдиган аёл, бир нарсага киришса, тагига ётмай қўймайди. Агар Асом Пардаевич устидан тепага арз қилса, албатта унинг далилларини ҳисобга олишади, унда Асом Пардаевичнинг ҳоли нима кечади? Ахир шу мансабга эришиш учун қанчалар тиришди, каттани ака, кичикни ука, деди, қолоқ совхозни кўтарди, қанчадан-қанча ер очди, сув олиб борди, ўзлаштирди. Кейин унирайижрокомга раис қилиб тайинлашди, учийил ишлагандан кейин райкомга кўтарилиди. Мана, хозирда областга олишармиш, деган гаплар юрибди. Энди битта қанақадир мухбир туфайли шу қадар ўсиб бораётган амали чилпарчин бўлиши керакми? Мунақа мухбирлар нима бўлибди, бир имо билан масаласини ҳал қилиб

юборади. Газета муҳарририни чақиртиради, айтадиган ганини айтади, муҳаррир ходимиининг биронта камчилигини — ё ишга кеч келишини, ё ўз вазифасига масъулиятсиз ёндашишини, ё яна бошқа бир жузъий айбини топади, бўрттиради, паттасини қўлига ушлатиб, ишдан ҳайдайди. Малакасидан айрилган мухбир, типирчилаб қолади, ҳар томонга хатлар ёза бошлайди. Бу — тўғри эмас. Қўиол. Бошқа чора қўллаш зарур. Шунақа усул ишлатиш керакки, бечора мухбир ўз қиласи ишига ҳам пушаймон бўлсин, нотўғри иш тутганини, хато қиласини тан олсин, ҳам унга кўрсатилган ишончдан мамчун бўлсин, ўзини баҳтиёр ҳис қиласин. Мунақангиларин шу йўсии билан қуролеизлантириш керак. Бу ёзувчиларининг порозилигиям, аламиям битта нарсадан — уларда амал йўқ, ойликка куи кўришади, уч-тўртта мақолосига оладиган гонораридаи бошқа даромади йўқ, шунинг учун яхши яшаса, кўришолмайди, галамислик қилишади, бировининг пайига болта урмоқчи бўлишади, уддасидан чиқиша, гердайиб юришади, иккинчи курбонин ахтаришади. Шунинг учун нима қилиш керак? Суяқ ташлаш керак! Ғажиб ётаверсни. Суякнинг мазасига тушунганидан кейин вафодор итга айланади-қолади, гус деса, биринчи бўлиб вовиллайди, талайди...

Опанинг колхозида намуна учун, меҳмонлар келгандага кўрсатадиган фақат боғчанинг янги биноси эмас, бунга ўхшаш бир қанча обьектлар борлигини Асом Пардаевич биларди. Янги қурилган мактаб, уч қаватли Маданият саройи, уч-тўртта дала шийпони, ҳатто бир неча колхоз аъзоларининг уйлари шундай мақсад учун ажратилган бўлиб, ҳаммаси яхши жиҳозлар билан тўлдирилган, дала шийпонларида эса конденсионеру рағғли телевизорлар ўриатилган эди. Бироқ Маданият саройи катта маросимлар ёки хорижий меҳмонлар ташрифи муносабати билан очилар, дала-шийпонлари мутлақо очилмас, очилса ҳам даладан чиқсан уст-боши чаңг-ифлос колхозчилар у жойга киришга ботина олишмас, ўрганиш бўлиб

қолган сувиниг ёқасидаги шолчада юмалаб ҳордиқ чиқарышарди. Бино ичидағи жавонда ўнга яқин колхозчиларниң дазмол урилган оҳорли кийимлари осигелиқ туради. Мәҳмөн дараги келиши билан шу аъзолар қидириб топтирилади, улар ўз вазифаларини яхши билишади — дарров ювииб, либосларини алмаштиришади, юмшоқ креслоларга ўтириб, газета ўқиши, кўк чой ичишга киришишади. Раигли телевизорда қизиқарли кўрсатув, копденциоперлар совуқ ҳаво тарқатмоқда, дастурхонларда бирпастигшага қўйилган мевалар, патирлар, шоколадлар.

Намунали хонадоплариңиг эгалари умуман эски, отаопдан мерос қолган жойларида яшаб келишади, янги ажратилган дабдабали, барча шароитлар муҳайё уйларига келиб экин-гулларига сув куйишади, ўёқ-буёқни супуришади, ёввойи ўтларни юлишади — хуллас, кўрадигаплар учун тахт қилиб қўйишади, ўзлари эса бу уйларда туришмайди, туришин ҳам исташмайди, негаки ўрганишмаган, бирювникига ўхшайди, одамларниң икки кўзи кўчада, тезроқ қуlf солиб, ўзларини эркин тутадиган уйларига кета қолишга ошиқишади...

Асом Пардаевич одат тусига кириб қолган бундай тадбирларни билади, билибгина қолмай, ана шундай машқлариниг жорий бўлишига маълум жиҳатдан жавобгар ҳам. Конунилашиб қолган бу одатни бузмайди, ўзгартирмайди, чунки гиламлар солинган дала шийлонларига ҳамма чаиг-чунг аҳволда кираверса, ҳали ўзини эплай билмайдиган чурвақалар чиннидек ярқираб турган хоналарда тўс-тўполон қилиб пардаларни юлишса, ўйинчоқларни тортқиласса, паркет полларни ифлос қилишса, бир хафтада ҳамма нарса расво бўлади-ку... Уятли меҳмонлар ташриф буюришга ишади, нимани кўрсатилади? Ахир ҳар бир шунақа кошонада таассусрот дафтарлари бор, келажак зиёфат илинжидағи сайёҳлар қалб сўзларини ёзиб қолдиришлари керак-ку!.. Мухбир Сатторов битта болалар боғасини кўрибди — шунга шунчалик! Агар у бошқа «намунали жойлар» борлигини билса, дунёга жар солар

экан-да!.. Йўқ, уни қуролсизлантириш керак. Бузоқнинг юргани сомонхонагача!..

Асом Пардаевич селектор тугмачасини босди.

— Мирвалиевни уланг,— деди у ёрдамчисига.— Газета редактори... Ҳа. Яхшиси қабулимга чақира қолинг. Соат бешга.

6

Самад «Илгор» колхозидан таъби хира бўлиб қайтди, чангга беланиб кунини ўтказаётган болаларнинг аянчли аҳволи, ҳашаматли бино буёқда қолиб, боячага айлантирилган ташландиқ ҳовли хаёлидан нари кетмади. Опа бўлса бу вазиятни хаспўшлаш ўриига, балаанд келди. «Ишлашга халақит берманг, вақтимни олманг, жўнаинг!» — деб кабинетидан Самадни чиқариб юборди. «Бу қанақа зўравоилик? — аччиги келиб ўйлади Самад.— Сен нима, ҳокимисан? Кўраман ҳокимлигингни! Ёзаман устингдан, кўзбўямачи, типирчилаб қоласан!..»

Самад, албатта, қўймайди бу ишни, кетига тушади, тагига етади. Бироқ Опа таниқли одам, унга бас келадиган мард керак. Мақолани республика матбуотига юборса, босишга журъят қила олишмайди. Москвага жўнатса, республикадан сўрашади, «Босиб чиқарса бўладими йўқми?» — деб. Лекин бари бир бу нарсани ўнгдай қолдириб бўлмайди. Опанинг таъзирини бериб қўймаса, кўнгли ўрнига тушмайди. Ҳақорат қилди-я! Ҳайдаб солди-я!

Самад ҳовлига ўринатилган душга кириб ювиаркан-артинаркан, Опага бўлган кек хаёлидан аримас, дилини пармалар, ором бермас эди. Ичида у кимлар биландир мунозара қиласар, баҳслашар, тортишар, хаёлида ўзининг жўшқин далиллари билан рақибларини енгар, тиз чўктипар, рақиблари эса ночор аҳволда Самаддан кечирим сўрар, ялиниар, илтижо қиласар эдилар... Самад атайлаб бундай хира ва шилқим хаёлотларни нари сурғиси келар,

аммо улар яна ёпирилар, ўз гирдобига тортар, Самад эса рақибни яксон қилган дамларида, ўзини кўтаришни сезар, хаёлининг лазиз ихтиёрида яна сузишини истар эди.

— Ухлаяпсизми? — сўради Муяссар таажжубли овозда. Самад кўзини очди, қулайроқ ўтирди, хаёли қочди.

— Чарчабман шекилли, — деди у ва эриничоқлик билан хотини келтирган овқатни кавлай бошлади.

— Аям қани?

— Қабристонга кетишди, — деди Муяссар тик турган ҳолда. — Нодира билан.

— Ҳм. Дадам-чи?

— Юргандирлар пана-панада ялло қилиб, — деди Муяссар киноя билан. Бу Самадга ёқмади, у қовогини солди. Ҳозиргина онаси билан қизи қабристонга кетишганини эшитиб, хотинини ичкарига имламоқчи эди, энди ҳафсаласи пир бўлди. — Келадилар-да, апил-тапил кийимларини алмаштириб, чиқиб кетадилар, худди ёв қувгандек. Ойим билан гаплашмайдилар ҳам. Эркак киши ҳам шунаقا аразчи бўладими?

— Қўявер, — деди Самад бошини кўтармай.

— Ярим қоп ҳандалай ташлаб кетдилар, — деди Муяссар ютиниб. — Ейсизми, опкелайми?

— Йўқ. Ўзинг есанг, опкелавер.

Муяссар индамади.

— Юмушинг борми? — сал асабийлашиб сўради Самад.

— Нимайди? — Муяссар эрининг саволини бўлакча тушунди ва илжайиб қўйди.

— Нега тик турасан ясовулдек, ўтир, — деди Самад нохуш ва қўре ганирганини фахмлаб, қўшиб қўйди: — Дам ол.

Самаддининг охирги хаспўшлашига қарамай, хотинининг дили оғриди.

— Туришим билан ишингиз нима? — аразлаб деди у. — Овқатингизни есангиз-чи, кавлайверасизми ҳадеб? Атала қилиб юбордингиз!.. Ясовулмиш тагии... Ясовул ўзи нима?.. Бирон-бир ёмон сўздир-да...

- Ёмон сўз эмас,— деди Самад кулгиси келиб.
 - Ёмон сўз эмасмиш... Нима б-бало, тўнингизни тескари кийиб кебсиз, тинчликми?
 - Тинчлик,— деди Самад, хотинини овутиш учун жилмайиб, аммо ўтган кечинмалар яна эсига тушиб, қовоги уйилди, сездирмай хўрсииди.
 - Сизни сўраб райкомдан одам келувди-я, эсим қурсин,— деди Муяссар жоиллаби.
 - Райкомдан?— таажжубланди Самад, чунки аввал охир уни у даргоҳга чақиртиришмас эди. «Опа қўнгироқ қилибида-да,— ўйлади Самад,— мана энди бошланади сўроқ-терговлар. Мақолани талаб қилишади. Сиёсий тус беришади, жазо ўйлаб топишади... Ҳар қалай Холбоев қариндош-ку, қараб турмас, аралашар, савалатиб қўймас...»
 - Борармишсан...— деди Муяссар эриининг авзойи бузилганини кўргач, хавотирланиб.— Тайинлаб кетди...
 - Нимага экан, айтмадими?— сўради Самад асабий тарзда хотинининг сўзини бўлиб.— Ким келди?
 - Айтмади. Кимлигини сўрамадим. Баъзан кўчада кўриб қоламан. «ГАЗ-24» ҳайдаб юради. Балки шофёрдир...
- Самад соатига қаради, вақт еттидан ошган эди. «Ҳозир борсаммикин?— деб ўйлади Самад.— Соат етти. Улар қонғигача тарқалишмайди, колхоз-совхозлардан сводка кутишади. Ҳукмимни эшитаман, гап бир ёқли бўлади, кўргилик шу экан, деб қисматимга кўникаман, юрагим ҳапқиришдан тўхтайди. Агар эртани кутсам, қандай тонг оттираман? Юрагим тамом бўлади-ку! Таваккал қилиб бораверайми-а?.. Қўрққанидан чопқиллаб келибди, деб ўйлашади... Бормасам, намуича ўзини тарозига солмаса, дейишади, муидан ҳам ўчи топашади. Нима қилсан экан-а? Холбоевга учраймикин? Биронта маслаҳат берар, ҳимоя қиласар. Райкомдагилар Замиранинг йилига ҳам келишган, мармартош қўйилши мупосабати билан ташкил қилинган йигинда ҳам иштирок этишган, қариндош-

лигимизни билишар-ку, нахот шуни андиша қилмай, масалами кўришса... Хунук гапга ўхшайди, шунинг учун Холбоев бу воқеадан хабардор бўлса ҳам мени огоҳлантирманти, гапи ўтмаган қўринади, гапи ўтганди, дарров мени топтирарди — ўзини ўта меҳрибон, мурувватли ва ҳар ишнинг уддасидан чиқадиган одам қилиб кўрсатиш учун. Унга учрамаганим маъқул, хижолат чекади, юпатмоқчи бўлади, айбни ўзимдан кўради...»

7

Ҳамдам бугун қабристонга яна борди, Замиранинг гўри томон кетган йўлка бўйлаб бораётган эди, кўзи ўёқдан невараси Нодира билан секин-аста келаётган қайнонасига тушди, ўзини четга олди, улар ўтиб кетгуига қадар панада турди.

Сожида опанинг қиёфаси ғамгин, рапги сўлиқкан, пешонаси рўмол билан тағтилгани учун бўлса керак, қовоқлари бўртиб чиққан, ёши қуриган кўзлари қизгиш эди.

«Бечора онаси,— ўйлади Ҳамдам, бир оз мунқайиб бораётган Сожида опани барглар орасидан кузатиб.— Қариб қолибди. Қашақа очиқ, лобар аёл эди олдин... Фусса енгиб қўйибди...»

Сожида опа невараси билан узоқлашгач, Ҳамдам турган жойидан шошмай чиқди, Замиранинг қабри устига бориб, алламаҳалгача қимир этмай скамейкада ўтирди, кейин қандайдир аҳдни дилига туғиб, уйига қайтди.

Ҳамдам ҳовлига кирганда, онаси телевизор рўпарасида чой ичиб ўтирап эди.

— Дадам қани?— сўради Ҳамдам ва орқароқдаги тўқима кресслога ўтирди.

— Ичкарида,— деб жавоб берди онаси, ўглига сиповчан назар ташлаб олиб.— Телефонда гаплашяпти.

Ҳамдам бир неча дақиқа индамай ўтирди-да, упутган парсаси тўсатдан эсига тушгандек, ўридан турди, дадаси бор хонага кўтарилиди. «Пул-мул сўрайди шекилли», деб

ўйлади Манзура опа ва телевизорни томоша қилаверди.

Ҳамдам хонага кирганида, дадаси ҳамон телефонда гаплашарди, у гап тугашини тик турган ҳолда кутди.

— Ҳа, бу томонидан хотиржам бўлаверинг, Асом Пардаевич,— дея гапида давом этди Холбоев.— Боя учрашганимизда айтдим-ку, анча сино йигит у. Ўзим синағанман, кузатғанман — одобли, мўмин-қобил йигит... Қайтмаган бўлса керак, югуриб борарди... Бўйти, одам жўната-ман, хабар олдиртираман... Хўп, хайр.

Холбоев телефон трубкасини қўйиб, бир дақиқа ўйга толди, кейин бир қарорга келгандек, сергакланиб, бошини силкиди, ўғли томон ўгирилди.

— Телефонни кутяпсанми?

— Йўқ,— деди Ҳамдам қатъий.— Сизда гапим бор, дада...

Ҳамдамнинг авзойи бузукроқ, кўз қарашида ёт бир мавж бор эди, отасининг дили кўнгилсиз нарсани сезди, аммо у буни билинтирмади, ўзини тетик ва гап тинглашга тайёр қилиб кўрсатди.

— Хўш... қами, ўтири,— дея Холбоев ўзи стулга ўтириди, савол назари билан ўглига тикилди.

— Дада, нега унақа қилдингиз?— тик турган ҳолда аранг журъат қилиб сўради Ҳамдам.

— Тушунмадим, ўғлим...

— Замирани айтмоқчиман.

— Хўш? Нима бўпти?— хийла асабийлашиб сўради Холбоев.

— Ўлимини айтаман-да...

— Бу янгилик эмас-ку, ўғлим. Хотинингни ўлганига бир йилдан ошди. Энди англаяпсанми, ўғлим?.. Қамроқ ичиш керак.

— Замиранинг юраги соппа-соғ эди.

— Шунақами?— сохта таажжуб билан сўради Холбоев.— Нимадан жони узилибди бўлмаса? Балки сенинг тўполон-жанжалларингдандир?

— Замиранинг юраги sog эди, дада! — таъкидлаб гап қотди Ҳамдам.

— Врачлар алдашибди-да, яхши текширишмабди,— деди Холбоев ва чиқиб кетиш учун ўринидан қўзгалди.— Бўлар иш бўлди, ўғлим, ўтган ишга салавот. Ўринисиз гумонлар билан ўзингни қийнама, ўғлим. Ўлганни тирилтириб бўлмайди. Врачлар ундоқ диагноз қўйди, мундоқ қўйди, ҳозир нима аҳамияти бор? Агарда тўғри диагноз қўйишганида, вазият ўзгарармиди? Юраги бўлмаса, бошқа бир ҳужайраси ишда чиқсан бўлиши мумкиндири. Балки руҳий касали бордир, балки тутқаноги бўлса, ўша тутиб қолгандир. Эпилепсия, дейишади врачлар, ёмои дард, ҳеч қандай белгиси сезилмайди, тўсатдан қўзғаб қолади, ёнида бирор бўлса, уқалаб-нетиб, ёрдам беради, бўлмаса кўп ҳолларда оқибати шунаقا бўлади. Ўша пайтда Замиранинг ёнида ҳеч ким йўқлиги чатоқ бўлган, сен кайфда қотиб ётгансан, сезмагансан, хотининг сени уйготишга улгурмаган ё уйгота олмаган. Мунақа ҳодисаларни кўп эшитганман. Тутқаноги бор одамлар одатда сув бор жойдан нарироқда юришаркан, чунки дард тутган пайтда бемор сувга қулласа, тамомакан...

Холбоев шунча гапларни худди ёд олгандек гапириб ташлар экан, ўғли отасининг маккорлигидан, маҳоратидан ҳайратга тушар, «Оббо дадам-эй! Оббо дугули-эй!»— деб ўйларди.

— Қўй, ўғлим,— деди Холбоев меҳрибонларча қўлини ўғлининг елкасига қўйиб.— Эски дардни қўзгама, ўзингнинг ҳам, бизнинг ҳам дилимизни вайрон қилма. Онангнинг аҳволини кўр, тутдек тўкилиб турибди. Ўтган ишга салавот. Сен эртанги кунни ўйла, ўғлим. Виждон-садоқат билан хотинингга аза тутдинг, бир йилдан ошди, инсоф шунчалик бўлади,— деди Холбоев тетиклик билан, ўғлига оғиз очирмасликка уриниб.— Эпди сени уйлантирамиз, ўғлим. Ўртоқлариигни кўриб, ўксимайсанми — ҳаммалари оиласлик, бола-чақалик. Рўзгорларида барака. Қачонгача сўққабош бўлиб юрасан, ўғлим? Аҳволингни кўриб, ичи-

миз ачиди. Ахир бизгаям раҳм қилда, ўглим. Бизнииг ҳам ҳамма қатори орзу-ҳавасимиз бор, биз ҳам неварава кўриб, қувнагимиз келади...

— Замирапиниг юраги сопна-сог эди! — тоқати тоқ бўлиб ўшқирди Ҳамдам.— У ўзини осган!..

Холбоев бу даҳшатли хабарни биринчи маротаба заштаётгандек таажижубланган ҳолда анграйиб қолди:

— Осан?!

— Ҳа, осган!

— Ким айтди сенга бу бўхтонни? — гўё самимий ўпкалагандек жигибийрон бўлди Холбоев.— Ким айтди?

— Ўзим кўрганиман! — деди Ҳамдам отасининг оҳангода.— Ўз кўзим билан! Ванихаонада!

Холбоев анграйганича, тили калимага келмай, кўзлари қисилди.

— Бўлмаган гап! Кўришиниг мумкин эмас эди! Маст бўлиб ухлаб ётган эдинг! Кимдир бир ёвуз одам миянгга шу ганини қўйган! Евуз, тинч ҳаётимизни кўролмайдиган бир абллаҳ сени йўлдан оздиromoқчи бўлган! Юрагинигга тулгула солган! Шу билан бизни адо қилмоқчи бўлган, сен, галварс, ишониб юрибсан-а! Неча ойлардан бери ичиндага сақлаб, ўзишни-ўзинг қайраб келаётгандирсан! Шунақаям гўёл бўласами, ўглим?! Ахир онаиг бу гапни эшитса, шу заҳотиёқ жони узилади-ку! Наҳот сен шу қадар худбин, тошибагир одамсан, ўглим? Наҳот?..

— Дада,— деди Ҳамдам ҳушиёр тортиб.— Мен бу ҳақда кўп ўйладим. Ҳамма айб ўзимда. Мен ўжарлик қилиб туриб олмаганимда, шунча ташвиш йўқ эди. Замира унаштирилганига теккай бўярди, анови Равшан дегани аварияга учрамасди, Замира ўлмасди, менам оҳ-воҳ қилиб бир кунимни кўриб кетардим, такдирга тан берардим, сизлар ҳам шунча маломатга қолмасдинглар. Ҳамма гуноҳ менда, дада. Мен айбимга яраша жазо кўришим керак! Милицияга бориб ўзимни топшираман, айбимни бўйнимга оламан! Ҳаммасини айтаман!

— Сен-а?!

— Ҳа, дада, бўлмаса, менга дунё қоронги, яшай олмайман! Жинни бўлиб қоламан. Ҳалиям жинни бўлиб қолмаганимга ҳайроиман. Беш йил бўладими, ўн йил бўладими, жазомни тортиб келиб, ундан кейин, агар омон қолсам, янгича турмуш қуришни ўйлайман. Гап шу. Мен бу срдаги милицияга бормайман, уларнинг ҳаммаси сизга қарам, гапимга қулоқ солишмайди. Мен ниятимни шаҳарга, сизни танимайдиган жойга бориб амалга ошираман. Одамлар сўрашса, ўғлим армия хизматида, дерсиз.

— Армияга жўнай қол-да, ўғлим,— шошилиб деди Холбоев, чора топилганига севиниб.— Икки йил хизмат қил! Бу ҳам жазога ўтаверади, Ҳамдам! Яхши айтдинг! Икки йил ичидя яна ўйлаб кўрарсан, шаштингдан қайтарсан, яранг битиб кетар...

— Йўқ, дада, армия қамоқ эмас. Мен айбимни фақат қамоқда ювишм мумкин!

— Мен-чи? Мен нима бўламан? Онанг нима бўлади? Масаланинг бу томонини ўйладингми? Терговчувалашиб, гап Равшанинг ўлдирилишига бориб тақалса, унда нима бўлади? Атайлабдан уюштирилган авария! Унда ҳеч ким омон қолмайди! Қанча одамларнинг бошига стасан! Ётамиз ота-бала битта камерада! Агар олий жазо берилмаса... Менга қара, Ҳамдам, жон ўглим! Мени қўрқитма! Нималар деяпсан? Ҳозирги кунда қанақа мард ўзини милицияга топширади? Қанақа ботир қилмишларини бўйнига олади? Биронта шунақа одам борлигини биласанми? Кўрганимсан? Сохта мардликнинг кимга кераги бор? Ақлидан озиб қопти, дейишади борсанг! Нима қиласан, майна бўлиб? Қилаётган ишинг қаҳрамонлик эмас, ўглим, бу — тентаклик! Қалбаки мардлик! Зиёлиларга хос васваслик! Виждо! Диёнат! Масъулият! Қалб пидоси! Бу ўша зиёлилар ўйлаб тошган қуруқ гаплар! Тутуриқсиз хитоблар! Ақлингни йигиштириб ол, бола! Ноңкўрлик қилма!

— Равшанин гапирмаймап, дада. Фақат Замирапи ай-

таман! Қийнадим, дейман, азоб бердим, урдим, шу дара-жага бордимки, дастимдан ўзини осди, айб менда, мени қаманглар, жазо беринглар, дейман!

— Э, бола, гўрсан-да, гўрсан,— деди Холбоев худди ёш боладек куюниб. Шундай ўзига бино қўйган, салобатли, сило одам ўғлинииг олдида кичрайиб аяичли бир бечорага ўхшаб қолгандек эди.— Улар шунаقا пандавақи одамлармиди? Текширишади, гўри очдиришади, унда нега мунақа диагноз билан дафи қилдиларинг, нима сабабдан, ким мундан манфаатдор бўлган, деб кавлаштиришади, гап менга келиб тақалади. Сен, менинг пуштикамаримдан бино бўлган фарзанд, отанг бошига шу қора кунларни солмоқчимисан?! Волидангни ўлдирмоқчимисан?! Ҳароми ҳам мунақа жаллодлик қилмайди, абллаҳ! Безори! Эпди ниятларим амалга ошадиган бир пайтда-я! Номзодимни рапакомга тавсия қилишаётган бир маҳалда-я?! Оқ қила-ман! Оқ қиласан! Лаънат ўқийман! Шў шаштингдан қайт-масанг, Равшанинг куни бошингга тушади! Ўзим буораман!

Ҳамдам отасидан ҳамма нарсани кутган эди, аммо бундай нарсага қодир эканини хаёлига ҳам келтирмаган эди, қотиб қолди.

— Мени-я?!

— Ҳа, сени!

— Амал, деб, ўз ўғлингизни-я?!

— Шайтоннииг уясини ўзинг қўзгадинг! Ўзинг!

Ҳамдам йиглаб юборди.

— Болам, жон болам, Ҳамдамим!— деди Холбоев ўғлини маҳкам кучоқлади, жон талвасасида уни ўпа кетди, ўпкаси тўлиб, ўзини ушлай олмади, у ҳам ҳўнграб юборди.— Нима қиласардинг шу гапларни менга айтиб, болам? Адо қилдинг-ку отангни! Аянг билмасин, ўғлим, бўптими? Ҳеч кимга айта кўрма. Ёпиқ қозон ёпиқлигича қолаверсии. Замон шунаقا, ўғлим... Замонга қараб қадам ташламасанг, замон чотга чиқариб ташлайди, ҳеч кимни аямайди, ўғлим, шуни доим миянгда сақла...

Холбоев Ҳамдам билан «гаплашиб» олганидан кейин ўғлининг аҳволи оғирлигини, кайфияти тушкун эканини англади. Ҳамдам ўз хонасига кетғач, Холбоев ётиш учун жойни ташқарига солдирди, машина гилдираклари ҳавосини бўшатди, калитини чўнтағига яшириб қўйди. Эрталабгача тиқ этса, кўзини очиб, деярли ухламай чиқди.

— Дарвозани қулфлаб ўтири,— деди тоңг отгач хотинига.— Ўғлингни уйдан чиқарма. Кўз-қулоқ бўлиб тур.

— Нима учун?— деди ота-бала орасидаги гапдан бехабар хотини ҳавотирланиб.

— Мияси айниб қолганга ўхшайди болангни.

— Йўғ-э! — деди Манзура опа ёқасини гижимлаб.— У нима деганингиз! Нега мияси айнаркан? Бинойидак-ку, ақл-хуши жойида. Камгап бўлиб қолган, холос. Бу куйишдан...

— Куйишданми, бошқа балоданми,— дея Холбоев хотинининг гапини бўлди,— хуллас, гап шу! Юриш-турishi бежо. Бир хатарни бошламаса, деган ҳавфдаман. Уйдан чиқа кўрмасин! Калитни берма. Қистаса, дарор менга телефон қил, етиб келаман.— Холбоев ниманидир сезиб ёнига қаради — трусличан Ҳамдам қўлини эшик раҳига суюб туар, қиёфаси алланечук эди.— Эшитдингми?— сўради Холбоев ўғлидан.

— Эшитдим,— деди Ҳамдам хотиржам тарзда.— Ҳавотир бўлманг, дада.— Ҳамдам бир неча дақиқа тин олди.— Мен уйдан чиқмайман.— Ҳамдам «ўлигим чиқади», демоқчи эди, негадир айтмади. Онасипи аяди.

— Ўглим,— дея Холбоев Ҳамдам томон яқинлашди.— Ўтинаман. Дадангни абгор қилма, болам. Агар кўчага чиққудек бўлсанг, не-не хаёлларга бориб ўтираман. Чарчагансан, Ҳамдам, асабинг толиқсан. Дам ол. Ухла. Чўмил. Ҳадеб кераксиз нарсаларни ўйлаб, ўзингни сиқма, ўглим. Истасанг доктор юборай, кўрсинг, шояд...— Холбоев гапини тугатмай, хотинига бир қараб олди ва у тушунмас, деб

ўйлаб, ганининг давомини рус тилида айта бошлади.—
У тебя сейчас кризис, сынок, понимаешь? Мания. Это
пройдет. Тебе надо много спать. Много отдыхать. Меньше
надо думать. Понял?

Ҳамдам «тушундим» мъиносида бош силкиди.

— Молодец. Ну, теперь могу я идти на работу? Могу
я там быть спокойным?

— Конечно, пана,— деди Ҳамдам киоя билан.—
Учили домашний арест. И маму приставили. Сторожить!
Чего зря волноваться?

— Сторож бўлмайман! — деди Манзура опа улар шун-
ча гапларин сир тутганидан хафаланиб.— Ўзингиз сторож
бўлинг! Йўқ деганинга қараб ўтирармиди ўглинигиз? Хирс-
дек нарса. Пошел, дейди — кетаверади боши оқсан томон-
га! — деда Манзура опа зарда билан столдаги идишларни
суриб ташлаб, стулга ўтиреди.— Нима бўляпти ўзи? Ора-
ларингда нима сир бор? Нега мендан яширасизлар? Ахир
мени онасиман-ку! Е ҳовлингиздари чўриманми? Жамалак
жинниманми? Нега мени шукул четга сурасиз? Одам
ўринида кўрмайсиз? Ўглинигиз тумтайгани тумтайган,
худди хотинини мени ўлдириб қўйгандек! Адо бўлдим-ку
мен, адо бўлдим!— Манзура опа ўзини тута олмай
йиглаб юборди.

— Жим, одамлар эшитади! — ўшқирди хотинига Хол-
боев.— Энди сенини қолувди!

— Бўлмаса, сен айт, болам,— зорланди Манзура опа
йиги аралаш,— менам билай, нима гап ўтган? Айт, ахир!

Ҳамдам шартта бурилиб, ичкарига кириб кетди.

Манзура опа овозини чиқармай юм-юм йиглар, этаги
билан ёшини артарди.

Холбоев ҳовлидаги телефон трубкасини олди, номер терди.

— Алё!— деди у мумкин қадар тинч ҳолда.— Холбоев.
Бегимов шидами?.. Қачон келади?.. Уйининг телефони
неччи?.. Бўпти.— Холбоев бошқа номер терди.— Хуррам
Бегимович?.. Яхшимисиз?.. Холбоевман... Раҳмат. Хур-
рам Бегимович, одамларингиздан биттасини бизникига

юборишиг... Кейин айтамаи... Ҳа, шунчаки... эҳтиёткорлик. Ҳозир келсип, ўзим кўрсатма берамаи... Кутамай.—Холбоев трубкани қўйиб, орқасига қайрилди. Даҳлизда Ҳамдам таъқиб билан отасига қараб турарди. Холбоев сал эсанкиради, аммо ўзини тутиб олди. У ўзининг бундай тадбири ўғлининг дилида нафрат уйготиши мумкинлигини ҳисобга олмаган эди, ичида бекор қилганини англади, бироқ энди кеч эди. У «вассалом» дегандек намойишкорона бурилиб ўз хонасига кўтарилиди.

Манзура опа ерга тикилганича ҳамон пиқ-пиқ йиғлаб ўтирас, бурнини тортар, этаги билан кўзини артар эди.

Холбоев галстук тақиб ичкаридан чиқди, столдаги чой-нақдан чой қуйиб, хўплади, тақ этиб пиёлани жойига қўйди. У асабий эди.

— Дада, ундан кўра мени қаматиб қўя қолинг,—деди ниҳоят Ҳамдам жойидап жилмай.—Тинчроқ бўлади.

— Керак бўлса, қаматиб ҳам қўямаи,—деди Холбоев қатъий.

— Нега бўлмаса қамоққа борай, десам, ижозат бермадингиз?

— Сенинг ўзиниг боришиниг билан мени топширишимда фарқ катта!

— Вой! — энди Манзура опанинг ақли ета бошлади,—қамоқ? Қанақа қамоқ? Нима учун қамоқ? Ҳозир чақирганингиз опкетадими Ҳамдами? Эсинизни едингиҳизми, дадаси? Ўз қўлингиз билан топширасизми? Ўз болангизни-я!?

— Шаигиллама! Ўзинг сторож бўлмайман, дединг-ку!

Шу пайт дарвоза қўнгироги жиринглади. Холбоев чаққон одимлар билан бориб, эшикни очди. Ташқарида милиция формаси кийган одам турарди. У мулозамат билан қўлини қўксига қўйиб Холбоевга салом берди. Холбоев алик олиб, милиционерни ичкарига имлади ва дарвозахонада унга нималарнидир уқтира кетди. Милиционер гапни эшитган сари таажжубланаар, бир даҳлизда трусиҷаи турган Ҳамдамга, бир Холбоевга алаинглар эди.

— Нима учун, Холбоев ака? — тушунолмай сўради ниҳоят милиционер. — Ахир ўғлингиз-ку?!

— Сиз айтилган нарсани қилинг, — деди Холбоев қатъ-ийроқ оҳангда. — Буёғи билан ишингиз бўлмасин. Юринг. — Холбоев милиционернинг кийимидан чимдиб, ҳовли ичкарисига тортди. Милиционер худди уятли ишга мажбур қилинаётгандек мулзам ҳолда тисарила-тисарила Холбоевга эргашди. — Мана стул. Хоҳласангиз мана тўқима кресло. Мана, чой. Шу ерда ўтирасиз — тамом. Сиздан талаб қилинаётган нарса шу.

— Итни ечиб юбораман! — ўдагайлади Ҳамдам.

— Мен итдан қўрқаман, Холбоев ака, — деди ходим тисарилиб. — Бир марта талаган, юрагимни олдириб қўйганман, ака, — деди ва Холбоевга зорланиб термилди. — Худо хайнингизни берсин, телефон қилинг, жон ака, бошқа одам юборишсин! Мен бу ишга ярамайман... болаларим бор... қариб қолганман... итдан қўрқаман... Айтинг, ёшлардан юборишсин!..

— Тўппонча борми? — ўшқириб сўради Холбоев.

— Бор, — деди ходим начор аланглаб. — Ҳозир беришди.

— Ўқланганми?

— Билмадим...

— Қаранг!

Милиционер қалтироқ ҳолатда анчагача пистолет қинини оча олмади. Ҳамдам бу томошани кўздан кечирав экан, бир кулгиси, бир газаби келар эди. Ходим ниҳоят қуролни олди, қўллари қалтираб, қуролни Холбоевга узатди.

— Мен нима қиласман муни? — хуноб бўлиб ўшқирди Холбоев. — Ўзингиз кўринг.

Милиционер қалт-қалт титраб аранг магазинни очди.

— Хўш?

— Боракан, — дея ходим яна Холбоевга термилди. — Еттита экан. Етадими?

— Мен қаттан билай? — энсаси қотди Холбоевнинг. —

Мўлжалингизга боғлиқ.

- Тўғри...
- Ўзингиз умрингизда тўппонча отганмисиз?
- Машгулотларда.
- Бўлмаса бундай — агар итни ечиб юборса, отасиз! Вассалом! Тушундингизми? — деди Холбоев балаид овозда, худди кар билан гаплашатгандек.— Мўлжални тўғри олинг, буёғига ўзим жавоб бераман.

Холбоев яна алланималарнидир тайинлаб, уйдан чиқиб кетди.

Ҳамдам газабидан қалтирас, айни топда унинг кўзига ҳамма нарса хунук, маънисиз, манфур кўринар эди. У бир оз тишларини гижирлатиб турди-да, жон-жаҳди билан айвон устунини муштлай кетди. Милиционернинг юраги така-пуга бўла бошлади.

— Вой, болагинам, сенга нима бўлди?! — деган ҳайқириқ билан Манзура опа ўғли томон отилди. Онаси яқинлашашётганини пайқаган Ҳамдам шарт бурилиб уйига кириб кетди, эшикни қулфлаб олди.— Ҳамдам, жон болам, онангга раҳминг келсин, нега мунақа қиласан? Юрагингда борини айт, ахир менга! Нима дардинг бор, болам? Агар бирорвга ишқинг тушган бўлса, очил, болажоним, бир иложи топилар! Дадангни қўлидан келмаган иш борми? Йўқни бор қиласди.— Манзура опа зорланар экан, ҳолати жазавани эслатар, ўзи айни бир пайтда барча нарсани мұхайё қилишга қурби етгудек эди.— Айт, болам, ким ўзи Ўша сени девона қилган? Ўзи шеттами? Биз таниймизми? Агар эри бўлса, ажратиб оламиз. Айтсанг бўлди, болажоним...

Эшик қарс этиб очилди, Ҳамдамнинг кўзлари жаҳолатдан ёнар эди.

— Сиз ҳам шунақа дейсизми, ая?! — деди Ҳамдам ичичидан тўлганиб. У яна қарсиллатиб эшикни ёпиб олди.

Манзура опа зинага ўтириб қолди.

Милиционер Ҳамдамнинг бекиниб олганидан мамнун эди, чунки боядан бери итнинг ечиб юборилишидан қўрқиб ўтирган эди.

— Ўтираверасизми энди сўлоқмондек? — аламини кимдан олишини билмай Манзура она милиция ходимига қичқирди. — Зерикмаслик учун ҳали гангага ҳам солиб ўтиришим керакдир?

Ходиминиг ўзи адашиб бирорининг тўйига бориб қолгаи одамдек мулзам бўлиб ўтирган эди, Манзура опанинг зардаси устига-устак бўлди, у эсанкираб қолди, кўзини лўқ тиккаи ҳолда, гап топа олмай, серрайди, аста ўридаи турди.

— Буйруқ шунаقا бўлди-ку... — деди у, ишҳоят тили калимага келиб. — Мен нима, ўзим суқилиб келибманими? Кетавераман! Ҳайдаб юборишди, дейман.

— Айтаверинг, — деди Манзура она қўлини силтаб. — Ҳайдаворишди, денг.

Ходим бир оз саросимада депсииниб турди-да, чин дилдаи, қўлини кўксига қўйиб:

— Раҳмат! — деди. Унинг кўзлари қувончдан йилтиради. — Раҳмат! — Ходим бир-икки қадам орқасига чекинди, дарвозага яқинлашганида, кескин бурилиб, кўчага отилди.

Манзура она тўзгий бошлаган сочларини силаб-тузатиб, ўридан турди, дарвозахонага бориб, кўчага мўралади — милиция ходими аллақачон гойиб бўлган эди. Манзура она дарвозага ўрнатилган эшикни қулфлаб, калитини чўнтағига солмоқда эди, ҳовли томондан милтиқ товуши эшитилди.

9

«Нима бўларкин? Нима дейишаркин? Қандай ўзимни ҳимоя қилсамикин? Сўзимни бермай, айтганимда туриб олсан-чи? Ё айни бўйнимга олайми? Таъба қилайми? Хато мендан ўтди, энди бу иш қайтарилмайди дейми?..» Шунга ўхшаш алгов-далгов гумонлар, саволлар эрталаб-гача Самадга ҳаловат бермади, потинч ухлади. Тушига бе-

пойи денгиз киритти. Таңдо ўзи чорполда ўтирганиши, тебранармиш, атрофда ҳеч нарса, ҳатто олисдаги қиргоқлар ҳам кўрипмасмиш, денизнинг зим-зиё қаърида баҳайбат мавжудотлар сузиб юрганиши. Чорпоя тинмай сувга ботиб чиқармиш, ҳар ботганида сув Самаднинг тиззасигача етариши, Самад чорпоя суюнчигига маҳкам ёпишган ҳолда атрофга тушкунлик билан аланглармиш, дод, деса овози чиқмасмиш... Муяссар эрини уйготиб юборди, Самад эловлаб уйгонди, анчагача ўзига кела олмай, ганиги ўтириди.

— Бирам инградигиз-э! — деди хотили мудроқ аралаш.— Туш-нуш кўрдингиэм?

— Ҳм.— Самаднинг овози дўриллаб чиқди.— Совуқ чой борми?

— Холодильникда.

Самад гандираклаб, яланг товони билан полда гунигуп юриб, дахлизга чиқди. Чароғон ойдин, кўланкалар қора эди. Холодильникдан сарғиши ёруглик тушди. Самад чойиакни олиб симирди, муздек сув баданига роҳат таратди, юрак уриши бир маромга кела бошлади. Совуқ ҳавода бир оз тургач, қайтиб кириб ётди. Хотинининг эти иссиқ ва силлиқ эди. Кучоқлади. Муддиш тушдан кейин хотинига қалишиб ётиш хотиржам ва осуда эди. Тушини ўйлай бошлади, кўнгилсан изарсаларга йўйди. «Якка ўзим... Кимсасиз денигиз... Махлуқлар... Тахталари қочгаи чорпоямиз... Наҳот гумонларим тасдиқланса? Наҳот калтаклашса?..» Самаднинг уйқуси қочди, бироқ эрталабгача аича бор, қандай тоиг оттиради? Азоб-ку. Тўлғаниб чиқади. Унинг устига потинч ва оғир ўйлар... Бир оз хаёлини чалғитиш керак. Хотинини сийналашга тушди... кейин чарчаб, ухлаб қолди.

Уйғонганида ҳаммаёқ ёргул, ёнида хотини йўқ эди, сапчиб ўридан турди. Соат ўндан ошибди, қўрқиб кетди. Юванишга тушди, соқолини қирди, апил-тапил кийинди, галстук тақди, нонушта қилмай, кўчага отилди...

Самад кабинет эшигини оҳиста очиб, ичкарига кирди.

Унинг оёқлари қалтирар, юраги безовта урар, кўзлари бежо эди.

Асом Пардаевич танимагандек Самадга бир оз тикилиб турди ва бир нарса эсига тушгандек, кулимсиради.

— Келинг,— деди у ва стол устидаги қоғозга қараб олди.— Кираверинг, Самад Жалолович.

Самад зил бўлиб кетган оёқларини аранг ишга солиб, ўрнидан турган Асом Пардаевич истиқболига отилди, қалтироқ қўлларини узоқдан чўзиб у билан кўришиди, стол биқинида ўтирган кўзойнакли ходимга салом беришини ҳам унуди.

— Саломатмисиз?— сўради Асом Пардаевич, Самадга синовчан тикилиб.

— Раҳмат, Асом Пардаевич...

— Ўтиринг, марҳамат, биз ҳозир,— деди Асом Пардаевич четроқдаги стулни кўрсатди, ўзи кўзойнакли ходим билан бўлинган сухбатини давом эттириди.

Самад қатор қўйилган стулларнинг бирига бориб ўтириди, муллаваччалардек қўлларини тиззасига қўйди, одоб билан кута бошлиди. Бу ерга киришдан аввал Самад кабинетда бир тўда баджаҳл одамлар уни кутиб ўтиргандек туюлган эди, кириб бориши билан Асом Пардаевич улга бақириб қарши олишини кутган эди, аммо вазият мутлақо бошқа бўлиб чиқди. Баджаҳл одамлар йўқ, Асом Пардаевич газабда эмас, муомаласи мулойим... Самаднинг қўрқуви босила бошлиди. Аммо бари бир Самад бу муло-йимликка тўла ишонмас, оғир гаплар ҳали олдинда эканини ҳам дилининг бир бурчида сақлар эди. «Шунчаки ўзини маданиятли қилиб кўрсатяпти,— ўйларди Самад.— Ҳозир муносабат усули шунаقا. Ширин сўзлар билан жонингни олишади...»

Асом Пардаевич сухбати охирида қанақадир тошириқлар берди, нималарнидир уқдирди, кўзойнакли ходим қоғозларини йиғиштириб, кабинетдан чиқиб кетди.

— Яқинроқ ўтиринг, Самад Жалолович,— деди Асом

Пардаевич Самадга жилмайиб. Самад дарров ўтиб, стол ёнидаги стулга ўтирди.— Хўш, ишлар қалай?

— Раҳмат, Асом Пардаевич, бир нав,— деди Самад, ҳамон ҳадиксираб.— Йўқлаган экансиз... Узр. Топшириқ билан кетувдим. «Илгор»га. Кеч келдим.

— Ҳа, дарвоҷе,— деди Асом Пардаевич,— «Илгор»... Роса уларни... нима, деймиз... обориб-онкепсиз?

— Энди, Асом Пардаевич... — дея Самад ҳимояга ўта бошлади.

— Тўғри қилибсиз,— деди Асом Пардаевич қатъий.— Камчиликсиз бўлмайди. Сизга ўхшаган замонавий ёшлар ўша камчиликларни йўқотишда ёрдам беришларинг керак. Четдан кўзга ташланади. Умидимиз сизга ўхшаган принципиал кадрлардан. Ул-бул нарса ёзгандирсиз?— «Бошланди», деб ўйлади Самад.— Кўрсак бўладими?

— Ҳали қоғозга туширганим йўқ. Блокнотда.

— Қоғозга туширганингизда берарсиз.

— Майли,— деди Самад.

— Самад Жалолович,— дея, Асом Пардаевич бир лаҳза ўйланди.— Биз сизни безовта қилганимиз... бир фикр туғилиб қолди...

Самад юраги ҳаприқиб гапнинг давомини кутди.

— Биз ўртоқлар билан маслаҳатлашиб бир қарорга келдик...— Самаднинг юраги ёрилгудек дукиллар, бардош бериш қийин эди.— Партия аъзосимисиз?

— Ҳа,— деди Самад ҳозиржавоблик билан.— Аъзосиман. Фақат стажим кўп эмас. Энди икки йил бўлди.

— Заари йўқ. Сизга ўхшаган замонавий, билимдон, иш кўзини биладиган, қолаверса, ватанинварвар кадрлар керак бизга. Ўртоқ Мирвалиев билан сухбатлашдик, у киши сизни яхши таърифлади. Ўртоқ Холбоев сизни яқиндан танир экан, у киши ҳам фикримизни қувватладилар. Хулласи, агар қарши бўлмасангиз, Самад Жалолович, таклифимиз бор, қандай қарайсиз!

— Яъни?

— Яъни, бизга ўтинг, демоқчиман. Райком аппаратида

ишилаб кўриинг. Бизга ёрдам беринг. Бунга нима дейсиз, Самад Жалолович?

— Райком аппаратига? — Самад ҳанг-манг бўлиб қолди.

— Ҳа! Бир ходимимизни ўқишга жўнатдик. Малака оширишга. Инструкторлик ўрнига сизни олмоқчимиз. Бу албатта катта вазифа эмас, аммо ҳамма нарса ўзингизга боғлиқ, яхши ишласангиз, қийинчилликлардан қўрқмасангиз, ажаб эмас, келажакда муҳим вазифаларни ҳам бажариб кетарсиз. Тажриба ошади, оқ-қорани танийдиган бўласиз. Хўш, бу таклифга нима дейсиз, Самад Жалолович?

— Нима дердим, Асом Пардаевич, — деди Самад севинчини базур босиб. — Агар мени шу вазифага муносиб, деб топган экансизлар... беҳад мишинатдорман... Кучимни аямайман... Ўзингизнинг қўл остингизда бўлиш... агар йўлйўриқ кўрсатиб туришса... ишончингизни оқлашга тиришаман, Асом Пардаевич. Раҳмат!

— Бўпти, — дея Асом Пардаевич гапга чек қўйга индек ўрнидан турди ва қўлини Самадга чўзди. — Келишдик.

Самад ҳаяжонда сакраб ўрнидан турди, Асом Пардаевич қўлини маҳкам ушлади.

— Раҳмат! — деди у нафаси етмай.

— Номзодингизни бюрга қўямиз, — деди Асом Пардаевич. — Таасиқлашади, деб ўйлайман. Муваффақият тилайман! Бўпти. Чиқинг-да, умумий бўлимдан керакли қоғозларни олинг, тўлдириб беринг. Расмий томонини ҳам бажариб қўйиш керак.

— Албатта, Асом Пардаевич, албатта, — дея чекина бошлади Самад, агар бир оз қолса, раҳбарнинг кайфияти бузилиши мумкиндек. — Хайр.

— Хайр, Самад Жалолович, — деди Асом Пардаевич ва яна бир нарса ёдига тушиб, яна мурожаат қилди: — Ҳа, дарвоҷе... — Самаднинг юраги шувиллаб кетди. «Индалосини энди айтади», деб ўйлади, саросимада тўхтади. — «Илгор» ҳақидаги мақола битса, нима қилмоқчисиз?

— Мақола?.. Агар ёз, десангиз, майли ёзаман, лекин шарт эмас бу, блокнотда қолиб кетаверади.

— Баракалла,— деди Асом Пардаевич Самаднинг сезирлигига қойил қолғандек.— Тўгри ўйлабсиз, укам. Уича-мунича камчилигимиз бўлса, ўз кучимиз билан бартараф қила қолғанимиз маъқул. Ички ишишимизни бутун республикага кариай қилиб нима топардик? Ҳозир, Самад Жалолович, пахта очилган муҳим бир пайт. Бизга ўтганингизга қадар битта мақола эълон қилинг. Буёққа ўтганингизда поқулайроқ бўлади. Одамларнинг руҳини кўтаридаған, меҳнатга сафарбар қиласидан мақола бўлсин, ўзингиздан қолар гап йўқ. Опа ҳам хурсанд бўлади.

— Тушундим, Леон Пардаевич,— дарров жавоб берди Самад.— Бўлади мақола! Яна бораман. Тез кунда битираман. Марказга жўнатаман. Бунақа материал тез ўтади.

— Ҳа, бу гап бўлак! Омад тилайман.

Самад ташқарига қандай чиқиб қолганини ўзи билмади. У гўё ўзини балаанд қоядан парвоз қиласидек ҳис қилди. «Нақадар маданиятли одам-а! — ўйлади Самад. зўр ҳаяжонда.— Нақадар қамтэр! Агар мен у кишининг ўринида бўлганимда, ўзимни шундай тута оларнидим? Йўқ. Тута олмасдим. Бизлар буёқларда ивиришиб, майда нарсаларга ёнишиб, байроқ қилиб юрамиз, муҳим йўналишларни пайқамаймиз, ўз қўндогимиздан фикр юритамиз. Мана қанақа кенг, атрофлича тафаккур қилиш лозим...»

Самад обёқ остида ерии сезмай кетар экан, ҳаммани қучоқлаб ўигиси, бақиргиси келар эди... «Мен аҳмоқ шундай одамлардан шубҳа қилиб юрибман-а! Ўзимнинг нақадар мажруҳ гумонларим, дардларим билан-а... Уят, уят, уят!.. Булар район, республика, халиқ манфаатида сиёсий зиёраклик билан фаолият олиб бориша-да, бизга ўхшаган галамислар улкан тадбирлар моҳиятини тушуниб етмай, кўрган нарсадан кир қидирсан, дастак қиссан, шу кайфиятни мутлаққа кўтарсан, ахир бу сиёсий оқизлик-ку, синфий тубаплик-ку! Кпришаман, жонимни аямайман!..»

Самад ижрокомнинг янги қурилган уч қаватли биноси олдига келиб қолганида Холбоев эсига тушди. Боя Асом Пардаевич унинг номини тилга олди. Мирвалиев-ку, айтилган гапларни маъқуллаган холос, у нима, райкомнинг раҳбари редакция ходимини ишга жалб қилмоқчи бўлса, эътиroz билдира олармиди, рози бўлади, мақтайди, кўкларга кўтаради, негаки редакция ходими райком аппаратига ўтиши ўзи учун ҳам обрўли бир гап. Демак, колективи шундай кадрни тарбиялаб етиштирган. Қолаверса, редакцияга Самадни Мирвалиев ишга олган, керакли сабоқ берган, тўғри йўлга солган, агар Самад ўз фаолиятида маълум муваффақиятга эриша олган бўлса, бунда Мирвалиевнинг ҳам ҳиссаси йўқ эмас, ютуқларига шерик. Самадга Мирвалиев эътибор бермаганида, Самад юарди ҳозирда даста-даста дафтар кўлтиқлаб, диктант текшириб. Шунинг учун Самад амал пиллапоясидан кўтарилса, Мирвалиев ундан имтиёз кутишга ҳақли. «Миннатдорлигимни айтиб қўйишим керак,— деб ўйлади у ҳозир домласи хусусида, гарчи ижроком биноси олдида туриб Холбоев ҳақидаги мулоҳазадан бошлигаган бўлса-да.— Аввал Холбоевга учрашим керак. Асосий ижрочи Холбоев. Хатарнинг олдини олибтина қолмай, ҳатто шу вазифага мени тавсия қилиши ҳам қўлидан келган. Асом Пардаевични кўндиригац, ишонтирган. Нега бўлмаса мени огоҳлантирмади? Шундай савобли хабар-а!.. Мулоҳазали одам, ўйлаган. Башарти Асом Пардаевич фикрини ўзгартирса, мулзам бўлиб қолишдан чўчиган. Бугунги суҳбатни кутган. Кириб айтаман, хурсанд қиласман. Ўйлаган амали рўёбга ошганидан мамнун бўлади, шубҳа қилмай мени табриклайди. Яна йўл-йўриқ кўрсатади, хатодан асрайди. Унар Холбоевич кўпни кўрган расамадли одам. Унинг маслаҳатидан чиқмай юрсам, натижка чакки бўлмайди. Замиранинг йили маросимини қанақа ташкил қилди? Хотира тошини-чи? Мунақа ёдгорлик район тугул областдаям йўқ! Мармарининг ичига Замиранинг тасвирини ўйдиргани-чи? Мунақа ҳайкалтарошни қаердан тонди

экан, жон киргизиб юборганга ўхшайди, санъат асари дейсан! Сирли табассумигача ифода қилган. Доно одам Холбоев, зукко. Шунча сарф бўпти, тийин сўрамади-я! Ҳамма ҳаражатларни ўзи кўтарди. Сахий одам. Мана энди мени қўллаб-қувватлаяпти. Бошидан сув ўгириб ичсанг арзиди...»

Самад дадил қадам ташлаб, ижроком биноси зиналаридан ҳаттай-ҳаттай, ичкарига кириб кетди.

Холбоевнинг кабинети кенг, ёруг бўлиб, Асом Пардаевичнидан қолишимас эди — биллур қандиллар, ўйма ганч, қимматбаҳо гиламлар, ишак дарнордалар, қулоч етмайдиган стол, баҳмал креслолар, салқин ҳаво.

Самадни қўриб Холбоев телефон трубкасини қўйди, ўриидан туриб, зўраки жилмайди, бир-икки одим юриб, Самад билан қўришди.

— Яхшимисиз, Самаджон? — сўради Холбоев столга кўндаланг қўйилган столчанинг икки томонига ўтирганларидан сўнг. — Уй ичилар қалай, бардам юришибдими?

— Раҳмат, Унар Холбоевич, юришибди, — дея мулоийим жавоб берди Самад, гарчи ичи ҳаяжонга тўлиб-тошаётган бўлса-да. — Ўзингиз яхшимисиз?

— Бир нав, — деди Холбоев ва Самадга синовчан тикилди. — Ҳўш, нима янгиликлар бор?

— Ҳозир райкомдан келяпман, Унар Холбоевич, — деди Самад кўзлари мавжланиб. — Асом Пардаевич чақиртирган эканлар.

— Биламан, — деди Холбоев Самаднинг гапини бўлиб. — Ўзим сизни кутаётувдим.

— Айтдилар Асом Пардаевич.

— Шунақами? — сўради Холбоев мамнун бўлиб ва кўшиб қўйди: — Маслаҳатлашувдик. «Илгор»га бориб жанжаллашибсиз, аввалига бир оз жаҳллари чиқди, кейин вазиятга тушундилар. Мана энди... табрикласак ҳам бўлади...

— Раҳмат, — деди Самад камтарлик билан. — Аслида ўзим...

— Кечирасиз,— дея телефон жириигини эшитиб Холбоев Самаднинг гапини бўлди ва чўзилиб трубкани олди.— Холбоев...— Холбоевнинг ранги бир зум қув ўчди.— Нима?!. Нима?!. Йигламай гапир!.. Ҳамдам?!. Милтиқ? «Тез ёрдам» чақирдигми? Эшик берк? Ҳозир бораман...
Холбоев Самадга нимадир деди-да, югуриб кабинетдан чиқиб кетди. Самад тик турганича қолаверди... «Вирон фалокат юз берди, чоғи,— ўйлади Самад саросимада.— Ҳамдам... «Тез ёрдам»... Тавба!»

Ўзи барваста бўлишига қарамай, Холбоев ҳовлига отилиб кирди.

— Нима бўлди?! Нима?! — ҳовлиқиб сўради Холбоев.

Манзура опа якка ўзи даҳлизда, нима қиларини билмай, телбаларча уёқдан-буёққа йўргалар, қўлларини эзгилар, қайпран эди, эрини кўриб, ҳўнграб юборди, полга ўтириб, тиззаларини шанатилай бошлади.

— Бас!— ўшқирди Холбоев ҳансирааб.— Нима бўлди?!

— Билмадим,— увиллаб деди хотини йиги аралаш чайқалиб.— Милтиқ отилди... Уйдан... Эшик берк, қулфлаб олган ичидан... Вой, мен ўлай!..

Холбоев сапчиб бориб эшикни бор кучи билан тортди, дастаси сугурилиб чиқди, эшик очилмади. Холбоев даҳлизга чиқсан деразага қаради, парда орасидан ҳеч нарса кўринимади, унинг устига уй ичи нимқоронги эди. Дераза роминин тақиллатди.

— Ҳамдам!— бақирди Холбоев, дераза ойнасига оғзини яқин олиб бориб. Жавоб эшитилмади.— Милиса қани?

— Кетди. Ҳайдадим.

— Милтиқ овозини эшитдими?

— Йўқ. Кетувди.

Холбоев асабий бош силкиб қўйди — малькул, дегани.

— Тур! — бўгиқ овозда буюрди Холбоев хотинига.

Ўзи бостирма тагига юргурди.

Манзура опа нийпаланиб — эмаклаб ўрнидан турди, ингриниб дарвоза томонга кетди.

Холбоев бостирма тагидан болта олиб чиқди, хотини дарвозани қулфлагач, жон-жаҳди билан эшикни чопа кетди, айни бир чоғда мияси аллақандай режаларни чамалай бошлади: энди Ҳамдам ўзини бир нарса қилиб қўйган бўлса, органларга бориб иқрорнома қилмайди, демак, барча сир-асрорлар очилмайди, ёпиқлигича қолаверади... Аммо ўғлиниң ўлимини қай йўсицида фош қиласди? Агар ўзини отиб қўйган бўлса, бу нарса Холбоевниң амалига салбий таъсир кўрсатини мумкин... Замирапи-ку, юраги хаста, деган важ билин кўмдириб юборган эди, чораси керакли самара берган эди, шу кунгача ҳамма шундай, деб ўйлаб келади, аммо Ҳамдамни нима баҳона билан тўсади?

Эшикниң тахтаси чопилган тешикдан Холбоев қўлини суқиб, калитни буради, отилиб уйга борди-ю, остонаяда таққа тўхтади. Трусиchan Ҳамдам мукка тушиб гиламда ётар, чап курагининг тагроги ўпирилгаи, қон оқарди. Холбоев ҳатлаб бориб ўғлини ағдарди. Унинг эти ҳали илиқ, аммо очиқ кўзлари пурсиз қотган эди. Ортидан хотини кириб келди ва «Оҳ!» — деб остонаяга аганади.

— Ҳамда-ам! — дея, ўғлиниң елкаларини чапгаллаб, бақирди Холбоев ва қон суркалиб кетган кўкрагига қулоқ босди. Таңда жон аломати йўқ эди. Холбоев ўкириб йиглаб юборди, жон ҳолатда полни муштлай кетди... кейин тасмасига ўралиб ётган қўштиғ ов милтигини олиб, ташқарига отилди, бор кучи билан милтиқни дарахтга уриб икки бўлди, ҳожатхонага ташлаб чиқди.

Жазавадап фойда йўқ, бирон чора кўриши зарур — Холбоев телефонига югурди, номер тера бошлади. Қулоғига юққан қопниң шираси трубкага чип-чип ёпишар эди.

— Алё! — бақирди у трубкага.— Ким бу?.. Менга бош врач керак!.. Холбоевман.. Бўтаев!.. Тез етиб келинг!.. Машина келсин!.. Хотиним хушидан кетиб қолди. Етибди. Нима қилишини билмаяпмай... Нима?.. Сув?.. Бўпти? Тез келинг!.. — Холбоев трубканни қўйди, столдаги косани олиб кран томонига кета туриб, дарвозаҳонада турган Самадни кўриб қолди.

— Тинчликими? — сўради Самад яқинлашиб бораётган Холбоевдан. Унинг кўзлари ёшли, қулоги аралаш лунжи қон эди.

— Тинчлик, тинчлик,— деди Холбоев, қиёфасини ўзгаририб.— Самаджон, сиз бораверинг, укам. Вазият шунаقا. Кейин гапириб бераман. Кейин.— Холбоев Самаднинг тирсагидан олиб, кўча томон бошлади.

— Бирон-бир ёрдам керақдир, Упар Холбоевич? — деди орқасига бошини ўгириб Самад. Холбоевнинг лунжи қон, ҳойнаҳой бир кори ҳол юз бергани аниқ эди, Холбоевнинг қўли титрар эди.

— Йўқ, йўқ, Самаджон,— дея Холбоев Самадни эшик остонасидан чиқариб қўйди.— Безовта бўлманг. Ўзим.— Холбоев эшикни бекитиб олди.

Самад кўчага чиқиб қолиб, мулзам ҳолда бир неча дақиқа нима қиларини билмай турди, кейин Мирвалиевни эслаб, ишхонаси томон йўл олди.

Мирвалиев олтмишларга кирган, камсоч боши пачоқ, ранги заҳил, қулоқлари қатта одам бўлиб, Самадни кўриб илжайди, бирон марта бундай иш қилмайдиган одам, ўриидан туриб Самадни қарши олди.

— Салом алайкум, Асрор Ҳамидович.

— Салом, салом,— дея Мирвалиев Самад билан очиқ чехрада кўришди.— Қалай, Самаджон? Ишлар яхшими?

— Раҳмат, Асрор Ҳамидович...

— Қани, ўтиринг,— дея Мирвалиев ўз жойига борди, шиёлага чой қўйиб, Самадга узатди.— Марҳамат.

— Раҳмат.— Самад чойни олиб, ҳўплар экан, «дарров ўзгариби», деб ўйлади.

— Хўш, эшитайлик, нима янгиликлар бор? — сўради Мирвалиев, Асом Пардаевич билан бўлган сухбатни эслаб. У тезроқ янгиликни эшитишга ошиқар, чунки бўлажак ўзгаришда ўзининг ҳам хиссаси борлигидан мамнун, миннатдорчилик сўзларини эшитишни кутар эди. Ҳолбуки, Самад яна шу сўзларни изҳор этса, ўзини Мирвалиев олдида қарздор ҳис қиласи, келажакда шунга муносиб

мулоқотда бўлади, агар кўтарилиб кетса, ажаб эмас, қўллаб-куватлайди, тузукроқ лавозимга қўяди. Омади келса, ҳеч гап эмас, мунақсангилар тўрт-беш йил ичидагу кўтарилиб кетишади. Асом Пардаевичнинг ўзи Мирвалиевни тилга олганлигини тахмин қилиб, Самадга айтмади.

— Кўнгилдагидек иш бўлди. Хурсандман,— деди Мирвалиев ва Самадга синовчан тикилди.

— Раҳмат, Асрор Ҳамидович,— деди Самад камтарона жилмайиб.— Қўллаб-куватлаб юборибсиз, ишончиғизни оқлай олармикинман?

— Оқлайсиз, Самаджон, ишонаман,— деди Мирвалиев фахрланиб.— Энди районимизнинг ҳаёт-мамоти сизларнинг қўлларингизда! Ёшсиз, тайратлисиз, ўқимишиллисиз. Сиёсий онгингиз баланд. Асом Пардаевич сўратувдилар сизни, учрадингизми? Уйдагилар айтишдими?

— Учрадим, Асрор Ҳамидович. Мунақа бўлишини кутмовдим, сал чўчияпман. Тажрибам йўқ. Уддасидан чиқармикинман?

— Чўчимаңг, Самаджон!— деди Мирвалиев келажак арбобга панд-насиҳат берганидан мағурланиб.— Уддасидан чиқасиз. Фаросатли йигитсиз. Унча-мунча билмаганингизни ўргатишади, ўз ҳолингизга ташлаб қўйишмайди. Дадил киришаверинг. Омад тилайман, Самаджон!

— Раҳмат, Асрор Ҳамидович...

— Комсомолдан олишмоқчи экан,— деди Мирвалиев жиддий тусада,— улар бир оз ёшлик қилишибди. Сизда тўхташди.

— Шу ўринда ишлаган ходимни ўқишига юборишибди,— деди Самад бир оз ўйланиб.— Малака оширишга... Асрор Ҳамидович, агар у одам қайтиб келса, жойини бўшатиб беришим керак бўладими, ё?..

— Аввало у одам келса, энди бу вазифасида ишламайди, унга каттароқ ўрин беришади,— деди Мирвалиев комил ишонч билан.— Қолаверса, шу билан сизнинг мавқеингиз ошди, обком номенклатурасидаги одамсиз, уларнинг кадрисиз. Бошқа ишга ўтган чоғингизда ҳам,

Сизни унақа-мунақа жойга қўйишмайди, камида маорифни топширишади... ё менинг ўрнимни...

— Э, унақа деманг,— орланиб гапирди Самад, айни бир пайтда бу ўрин унга у қадар мартабали бўлиб кўринмай қолган эди.

Шу пайт ички телефон жириинглади. Сухбат мароқли ўтаётган эди. Мирвалиев истамай трубкани олди.

— Ҳм!.. — деди у нохуш ва трубкадаги овозни эшита бошлади, қиёфаси ташвишли тус олди.— Шунақами?.. Ҳозир чиқаман,— деди Мирвалиев трубкани қўяр экан, ўрнидан турди.— Ҳозир, Самаджон. Ўтира туриғе.

— Майли, bemalol,— деди Самад, Мирвалиев ортидан қараб қолди, ўз хонасига чиқиб кетмади — у эди ўзини бу даргоҳда меҳмондек сезар эди.

Мирвалиев бир оздан сўнг паришон бўлиб кирди.

— Эшитдингизми, Самаджон? — деди у эшик олдида тўхтаб.— Қариндошсизлар, чоги?

— Нимани? — ҳадиксираб сўради Самад.

— Холбоев... ўғлидан ажраб қопти-ю...

— Ие! — Самад ўрнидан туриб кетди.— Ўғлидан? —

Самаддиниг хаёлига боя Холбоевнинг кабинетида телефон орқали гапиргани, уйида уни ғалати қиёфада кўргани, луники қон экани тушди.— Нима бўнти?..

— Бўлимдагилар айтишди... — деди Мирвалиев саросимада.— Бу гап қанчалик рост, билмадим... Овқатдан бўптими, дори солиниган қовун-тарвуз еган эканими... шунақа нарсадан заҳарланибди... Докторлар асраб қолиша олмабди...

«Заҳарланибди? — ўйлади Самад.— Овқатдан?.. Нега уидай бўлса Холбоевнинг луники қон эди? Нега мени чиқариб юборди? Таажжуб...»

Телефон жириинглади. Мирвалиев шошилиб бориб трубкани юлиб олди.

— Алло? Эшитаман... Ҳа, Мирвалиевман,— деди у негадир энгашиб.— Шунақами?.. Бай-бай-бай!.. Мусибат юз берибди-ку... — Мирвалиев кафти билан трубкани бекитиб, Самадга юзланди: — Райкомдан,— деди шивирлаб ва

кафтани трубкадан олди.— Бугун кечга чиқарилади?..
Дарров-а?.. Ҳа, ҳа... Тушунарли... Албатта борамин.
Ҳамма боради... Хўп, бўлади.— Мирвалиев трубкани кў-
йиб, Самадга қаради.— Чатоқ бўнти-ку... Биттаю битта
фарзанд эди...

10

Ҳамдам вафотига ҳали бир ой ҳам тўлмаган эди,
Холбоев бир галати нарсани сеза бошлади: бир куни
ишдан қайтганида кўйлагини липпасига қистириб обёк
яланг ҳолда кўчага чеълаклаб сув сепаётган хотинини
кўриб қолди.

— Бу нима қилганинг?— таажжубланиб сўради Хол-
боев хотинининг орқасидан ҳовлига кириб.— Ким айтди,
кўчага сув сеп, деб?

— Файратим тошиб кетяпти,— деди хотини кулиб.

— Файратинг тошиб кетаётган бўлса, сувни ҳовлиса
сеп!— деди Холбоев хотинининг этагини липпасидан
олиб.— Қара, ҳаммаёқ оқариб кетибди.

— Ҳовлига сепмайман, зарил кептими?— деди хотини
ниа ишишайди, қайтадан этагини липпасига қистириб олди.

— Уят бўлади, қўй, бу сенинг ишининг эмас,— деди
Холбоев, хотинининг қўлидан чеълакни олиб,— керак
бўлса, айтаман, машина келиб, сув сениб кетади. Ўзингга
бир қара, этагинг қистирилган, сарнойчан... Одамлар
нима дейди?..

Манзура опа эрига узоқ тикилиб турди, кейин
чукур хўрсииди, этагини тушириб, ошхона томони кетди.

Бир неча кундан кейин Холбоев кечаси ишмадандир
уйгошиб кетди. Деразадан ойининг нури тушар, қўшии
хонадан тушуниш қийин бир овоз келар, пол дулурлар
эди. Холбоев ёнига қаради, ўрини бўш эди. Овозга кулоқ
солди: галати гингшиш ёки хиргойи эди. Холбоев ўрнидан
туриб нарги хонага мўралади, серрайиб қолди — хотини

ої нурида аллақандай оҳангни айтиб, ўйинга тушар, ўзи бу машғулотдан гаштланар эди... Холбоев сесканиб кетди, секин орқасига қайтиб, каравотига ўтириди. «Мииси айниб қопти,— деб ўйлади Холбоев,— бу қанақа кўргилик? Энди бошимда бу савдо бормиди?..» Холбоев мушкул хаёллар билан ўтирас экан, қўшни хонадан ҳамон хиргойи, товои дупури эшитиларди.

— Манзура!— ўшқирди Холбоев, аммо хотини эшитмади ёки эшитишни истамади. Холбоев яна ўшқирди:— Манзура!!.

— Ху-ув!— деди хотини бадани титроқقا солувчи овоз билан.

— Нима қиляпсан?

— Ўйнаяпман!

Холбоев ўрнидан туриб, у хонага чиқди.

— Ҳозир ўйиннинг пайти эмас, хотин,— деди у мулодийм оҳангда.— Қе, ёт жойингга, эртага ўйнайсан. Қе, кела қол...

Шу воқеадан кейин Холбоев хавотирга тушиб қолди.

Айниқса бир куни таъзияга келган одамлар ҳали дастурхон атрофига ўтириб улгурмай, хотини дабдурустдан: «Ҳамдам ўзини отгани йўқ», деб юборди, келганлар анграйиб, бир-бирига қарашди.

Шундан кейин Холбоев, яқинда район соглиқни сақлаш бўлимига бош врач қилиб тайинланган, аввал Замиранинг ажали юрак хасталигидан, кейин Ҳамдамнинг ўлими овқатдан заҳарланиш оқибати, деб диагноз қўйиб берган Бўтаевни чақиртириди, хотинининг ғалати хулқини бирмабир айтиб берди.

— Уйда қолдириш хавфли эмасми?— деди у гапининг ниҳоясида.

— Хавфли,— деди Бўтаев.— Изоляторда сақлаш керак.

— Изоляторда?— безовталаниб сўради Холбоев.— Одамларга нима дейман?

— Қасал, дейсиз, вассалом,— деди Бўтаев совуққонлик

билан.— Ҳақиқатда касал-да. Худо берган дард. Бирор сил бўлади, бирорнинг оёги синада, яна бирор ақлдан озади. Ҳаммаси касаллик.

— Қанча ётади? Давоси борми?

— Ҳозир бир нарса дейиш қийин. Дард ўтқазиб юборилган бўлмаса, умид қилиш мумкин. Ётиши ҳам шунга боғлиқ.

— Йўқлигимда кўчага чиқиб, Ҳамдам ўзини отгани ҳақида жар солса, унда нима бўлади?

— Шунинг учун ҳам изоляторда саклаш керак дейманда...

— Қачон ётқизиши маъқул кўрасиз?

— Ими-жимида қилиш керак. Шаҳарга жўнатилгани маъқул, ҳеч ким танимайди. Мутахассислар ҳам бор. Мен телефон қилиб, гаплашиб кўрай, жой тайёрлаб қўйишади, шартта обориб жойлаб келамиз.

— Майли, сиз нима десангиз, шу-да,— деди Холбоев чора топилганидан енгил тортиб.— Энди, Зокир Бўтаевич, ўзингиз мураббийлик қиласиз-да... сиздан бўлак сирдошим йўқ.

— Ҳа, буёғига хотиржам бўлавериинг...

Икки кундан кейин саҳар чоғида машина келиб, Манзура опани шаҳарга олиб кетди.

Икки ҳафта ўтди, аммо Холбоев бирон марта хотинини кўргани бормади. Жинни хотинини йўқлаб борганини бирор кўриб қолишини Холбоев истамас эди. Унга қолса хотини ўша ерда ўлиб кетгани маъқул эди. Энди унақа хотиндан Холбоевга нима фойда? Қайтага дарди қайталаса, Холбоев иснодга қолади, дардисар бўлади. Айниқса шундай масъулиятли бир пайтда, чунки Асом Пардаевич областга ўтган. Холбоев янги лавозимга тайин бўлишини кутиб юрган кунлари эди. Рост-да, Асом Пардаевичнинг ўрнига Холбоевдан муносиб одам борми? Ахир Холбоевнинг бошига шунча мусибатлар тушди, унга раҳм қилишлари керак-да. Шу лавозим учун Холбоев қанча талафотларга юз тутди — Замиранинг ҳақиқий вафоти-

ни яширди, ўглини иожўя ҳаракатдан қайтарди, уйга қамаб қўйди, дафн маросимига қанча одамларни жалб қилди, ўлимини рўкач қилди.

Холбоев бир ўзи ҳовлига қўйилган креслода ўтиаркан, марказий газетада босилиб чиққан Самаднинг «Илгор» колхози ва унинг раиси ҳақидаги мақоласини мампуният билан ўқир, янги ишга ўтганлиги ҳақидаги хабарни кутарди.

Ниҳоят телефон жиринглади...

1986 йил